


KALUNGA WAUNDUME KULI

FUKUNUNA KULI ETU

 Nguli na Visoneka ngwasoneka hano, vize Ngunatondo kuhanjika kuli enu kuhichila mujikiko, kaha Ngwafwelela nge Kalunga mwaya nakukisula eji jingolo jetu jakuzeya.

² Jino, vathu vavavulu veji kulikomokela mwomwoika etu twapwa vakusehewa kaha vavwema chikuma. Munatachikiza, echi chinapu muyachi wakuhandunuka na—na kuliwana kuhambakana chize vathu va—va pwilenga nakumona. Kaha, kakavulu, vyuma vyosena vili nge vyakuvatula kaha nge vyakuma. Oloze omwo etu natwiza kukuliwana cha ngana, echi chinapunga lisesa lyami jino ha myaka yayivulu kuputuka vakiko tele hinavaputuka, kaha etu katwatachikizako chuma muka natuya nakulinga. Etu tuneza kaha na kulihana etu vavene. Omu mukiko kaha etu tunatachikiza mwakulingila. Kaha Kalunga eji kuzatanga vyosena. Shikaho chize cheji kulingisa kupwa vathu vakuzata mwakulipwila.

³ Likumbi likwavo, muthuumwe ambile ngwenyi, “unatachikiza, enu vathu mwapwa vene vakusehewa.”

Ngwambile ngwami, “Chamwaza, Ngwa—Ngwatela kupwa ngocho.”

⁴ Kaha Ngunanuka kuli kuliwana chimwe ha viwanyino. Ndumbu walunga Troy apwilenga nakungulweka nge lwola lumwe kanyike walilimi lya German hanjikile ngwenyi ikiye atambwile lujimiko lwa Shipilitu Wajila. Kaha likumbi lyashishileho, mu chitanda muze apwilenga nakuzata, ikiye apwilenga nakuzundula mavoko enyi na kwalisa Mwata, kaha nakuhanjika mumalimi kaha nakutwalilaho, ngachize. Kaha makumishilo, uze mukulwane ejile na kuhanjika ngwenyi, “Heini, ukalu muka uli nayove?”

⁵ Ikiye ngwenyi, “Mamalelo, Vanangulwili.” Ikiye ngwenyi, “Muchima wami unazale na kuwahilila.”

⁶ Ikiye ngwenyi, “Chamwaza, ove chasoloka nge wapwanga na lize lizavu lya aze manati ali kuze.”

⁷ Ikiye ngwenyi, “Eyo. Upahu kuli Kalunga!” Ngwenyi, “Ngwasakwilila Mwata hakupwa nati.” Ikiye ambile ngwenyi—ikiye ambile ngwenyi, “Ove mbata eyi minyawu, uyenga nayo mujila.” Ngwenyi, “Ove mbata awa manati nakuwafumisako, ove kaweshi kuhasa kupwa nachuma chekako shina mukuta wa ‘vingwaja ngwaja.’” Kaha mukiko kaha . . . Echi chili kaha muze vene, munatachikiza.

⁸ Likumbi limwe, mu Clifotnia, Ngwapwilenga nakuya mujila ya Los Angeles, kaha Ngwamwene lunga ali na chinjikizo hatulo yenyi, kaha *hano*. Kaha ikiye ngwenyi, “Nguchileya ya Kulishitu.” Kaha muthu wosena apwilenga nakutala hali ikiye. Kaha Ngwavamwene vakiko kwalumuka nakutala, hanyima yaikiye kuhita. Kaha Ngwashingtonyeyekele nge Ngwatela kukavangiza na vosena vakwetu. Kaha haze. . . hanyima, ikiye ngwenyi, “Nyi ove uchileya chenya?” Yaah. Ngwashingtonyeka etu vosena tuli nge vakusehewa, umwe kuli mukwavo, munatachikiza.

⁹ Oloze, munatachikiza, aka kaye kanengila muli eyi nati, palanga chuma chimwe chakuhandunuka chinachilingisa kupwa chakusehewa, palanga vathu vanashinganyeka nge chuma chimwe chinahenge. Kaha kakavulu Kalunga eji kulinga chumachimwe mujila yakuzeneka kutela, kulingisa vathu kukinduluka ku Mbimbiliya cheka.

¹⁰ Ngunahse kushinganyeka nge nowa apwilenga umwe wa ize—ize nati, kuli chize chisemunuino cha sayasi chize ikiye ayoyelemo, mwomwo vakiko vahashile kwinjikiza nge kakwapwilenga meyako muze muutangatanga. Oloze Kalunga ambile ngwenyi nakukaya nakupwa amwe. Shikaho, Nowa, kunagula na kufwelela chize, ikiye ejile nakupwa nati.

¹¹ Kaha Nangushinganyeka chize omwo Mose ayile mu Ejipitu, ikiye apwilenga umwe wa ize—ize nati, kuli Fwalo. Oloze anuka, Fwalo apwilenga nati, kuli ikiye, nawa. Shikaho vakiko. . . Etu tunatachikiza chize.

¹² Chipwe Yesu vamuvulukilenga kupwa wakuzeneka kuswa. Echi chakwoloka. Martin Luther apwilenga nati, ku liuka lya Katolika. Kaha John Wesley apwilenga nati, kuli va Anglican. Shikaho, munatachikiza, chili—chili lolwa lwa nati ikwavo. Kamweshi kuhasa kushinganyeka ngochoko? [Chikungulwilo ngwacho, “Amena.”—Muka.] Oloze, shimu kanda kupwenga nati, munatachikiza, kwatela kupwa mboti, chatete, yakwingisako.

¹³ Shikaho, munatachikiza, Nowa, hakupwa nati, ikiye. . . Chinatondewa nati, kukoka mboti, kukoka chuma chimwe kwiza hamwe. Shikaho, Nowa apwilenga nakuhasa kukoka vosena vaze vafwelele, kwingila muwato, kulovoka kufuma mukusopesa, hakupwa nati.

¹⁴ Etu tunawane nge, chize, Mose akokele liuka nakulifumisa mu Ejipitu, ha kupwa nati. Echi chakwoloka.

¹⁵ Ngwashinyeka etu twatondewa nati jino, kukoka ou Mwenga kumufumisa muliuka. Etu twatondo chumachimwe jino, umwe mukwavo, shikaho etu vathu vakusehewa. Kaha Ngwashingtonyeka, naufuku uno, kachi nge Mwata mwachitaviza, Nanguya nakweseka kutanga Visoneka vimwe vya kutwala kuli echi, kaha nanguya nakuhanjika mumunyutu

kaha chindende, na kweseka kumilwekesa mwomwoika etu tunapwila vathu vakusehewa.

¹⁶ Echa tufukunune mu Visoneka jino, kuli wavaka Fwiliپی kapetulu 2, 1-8 na Kolinde wamuchivali 3:6. Kaha echa tutange, nge etu twafwelela Lizu lya Kalunga.

¹⁷ kahajino, shimbu kanda etu tutange, echa tunongame mitwe yetu tulombe.

¹⁸ Tata wa Likoji wa Mwilu, etu tuli vene vathu vakutokwa, ufuku uno, kupwa nakuyoyela mu chisemunuino chino, kaha kumona vyuma kana evi tuli nakumona, kaha kutachikiza nge lwola lunapandama lyehi, omwo Yesu mwakaya nakwiza kwijila Liuka lyenyi. Mamalelo, chize chili nakutva mukachi kamichima yetu, Mwata! Kaha nge omu etu tuli na kukoka mapapilo, ufuku uno, etu twalombo nge Ove muya nakutuhana etu kutanga chetu. Kaha echa Shipilitu Wajila kusolola michima yetu vyuma vize vyamwaza na kusuwulwisa Kalunga. Echi etu tunachilombo mu Lijina lya Yesu. Amena.

¹⁹ Munatachikiza, kufwelela Nanguya nakumilomba enu chumachimwe. Ngweji—Ngweji kuhula kakavulu vyuma vyaungeji, kaha Ngwafwelela Kangweshi nakuhula kala chumako chungaji. Oloze omwo etu natuhana kalemesa ku ndembele, etu vosena tweji kwimananga. Kaha—kaha ize ndembele nayikahita, etu tweji kwimananga; eyi, etu twatela. Kaha etu twatela kwimana, kuhana kalemesa. Echa twimane hamahinji etu shimbu natutanga eli Lizu, kachi nge namuhasa, Kolinde wamuchivali 3:6.

Ou...na tulingisa nawa kupwa tuvakutesamo twakuzachila lushiko lwaluhya; keshi nge chize chavasonako, oloze chashipilitu: mwomwo chavasona cheji kujihanga, olozenyi shipilitu eji kuyoyesanga.

Jino nge—nge mulimo wakuneha kufwa, uze wavasona vakwola ha malolwa, wapwile naupahu, numba vana va Isalele vahone kushishika kumeso a Mose ha upahu uze wapwile kumeso eyi; uze wapwile nakunawa:

Kumana mulimo wa shipilitu kaweshi kuhambakana chikuma kupwa naupahuko?

Mwomwo nge mulimo wa kuhisa vathu wapwile naupahu, ngana kaha eyi mulimo wakuheha kwolokanyi unahambakana upahu.

Mwomwo chipwe mulimo uze wapwile naupahu unapu jino wakuzeneka upahu, mwomwo haupahu ou unahambakana.

Mwomwo nge uze wapwile nakunawa wapwile naupahu, kaha...mokomoko ou wazeneka kukuma unahambakana chikuma upahu.

Shikaho, omu tuli nalutalililo lwangana, etu natuzachisa kuhanjika cha hatoma.

Keshi nge mwa Mose ko, uze aliwuwile kumeso eyi, kuchina vana va Isalele nava shishika uze upahu wapwile nakuwana nomu wapwilenga wakukuma:

Oloze michima yavo yakaluhwile: mwomwo nakulikumbi lya lelo omu navatanga mazu amukushika chamwaka chiwawa chochimwe hanga chawuwila; chiwawa echi vanafumisa kuli Kulishitu.

Oloze nakulelo lino, heshoho navatanga hamukanda wa Mose, chiwawa hanga chichili ha michima yavo.

Oloze heshoho mwalumukila muthu kuli Mwata, chize chiwawa navakachifumisako. Keshi. . .

Jino Mwata ikiye Shipilitu: kaha kuze kuli Shipilitu ya Mwata, kukiko kuli kusokoka.

Oloze etu vosena, oku tuvakuzeneka kuwawa, tuli nakushishika upahu wa Mwata nge muchivanjilo, kaha vali nakutwalumuna mweka tupwenga ngana omu apwa ikiye kufuma kuupahu waundende nakutwala kuupahu wawulu, mukiko vene mwa kuli Mwata ivene Shipilitu.

²⁰ Kaha wava Fwilipu 2, etu tutangenu, kuputukila ha 1, na kutanga mbwe na vasi 8.

Shikaho—shikaho hakupwa muli Kulishitu mwatwama kuzamikisa, mwatwama kuvendejeka cha zangi, . . . mwatwama kulikata cha muli Shipilitu, mwatwama muchima wazangi na kutetela,

Tesenumo kuwahilila chami, hakujina mwomumwe, ha kupwanga na zangi yoyimwe, na mu muchima woumwe, na kufwila chochimwe.

Kanda mukalikindukila chipwe kulitohwesako; oloze muthu hi muthu ha kulinyisa, amonenga mukwavo ngwenyi amuhambakana ulemu.

Muthu hi muthu kanda akakokela kumukombe wenyiko, oloze anukenga. . . navakwavo nawa.

Pwenunga nakujina, echi nawa chapwile muli Kulishitu Yesu:

Ikiye, ha kupwa Kalunga chikupu, chize kweseka na Kalunga hamwe kachimwene chakuhukulako:

Oloze alilingishile kupwa nge wamokomoko, alitengelekele kupwa ndungo chikupu, alilingishile kupwa ngana omu vafwana vathu:

Kaha asolokele ngana omu vapwa vathu, alinyishile, kaha ononokele palanga na kukufwa, kufwa chaku kulusu vene.

21 Echeni tulombe.

22 Tata wa Mwilu, eli Lizu lyalinene eli tunatange, ufuku uno, kufuma mu Visoneka Vyovo vya Kujila, lingisa Evi kupwa vya mwenemwene kumichima yetu, mangana etu tuyenga kufuma hano nge vaze vayile ku Emau, kuhanjika ngwavo, “Kumana michima yetu kaya wemanga mukachi ketu omu Ikiye ahanjikanga na etu muze mujila ko?” Etu twalombo echi mu Lijina lya Yesu. Amena.

Munahase kutwama.

23 Jino, ou unapu kutanga chakusehewa, oloze Ngwashingtonyeka chili cha kulifwana na chuma chinakusoloka. Ngwatondanga kuhanjika ha mutwe wachihande wa: *Kalunga Waundume Kuli Fukununa Kuli Etu*.

24 Jino, hakupwa kunapunga muthu, munapunga zala mukachi ka muchima wami, wakuwana ikiye afumine kulihi, kaha mulonga waka ikiye ejile hano, kaha ikiye ali nakuya kulihi. Kuli kaha Umwe nahase kukumbulula chize, shina Umwe Uze amunehela hano. Kaha muthu lwola lwosena atonda kumona Kalunga.

25 Kunyima chikuma mu Kushika Chamwaka, etu twawane nge Kalunga alifwikilenga Lyavene kuli vakakuzeneka kufwelela. Kalunga atwama na jila yakusehewa yakuzata na vathu. Ikiye eji kulisweka Lyavene kufuma kuli vakakuzeneka kufwelela kaha kulisolola Lyavene kuli vakakufwelela. Kalunga ikiye eji kulinga omu. Yesu asakwilile Tata, nge, Ikiye nasweke vyuma evi kufuma kuli vaka mangana na vakakunangakana, kaha mwaya nakusolola Echi kuli va kemba vaze vanahase kulinangula. Shikaho, etu twawane nge Kalunga kanda lyehi alumuke, mu chisemwa Chenyi, kaha Ikiye lwola lwosena kuzata milimo Yenyi mwomumwe. Etu twawane, mu Malaki 3, nge Ikiye ngwenyi, “Yami ngwapwa Kalunga, kaha Kangwalumukakako.” Shikaho, Ikiye eji kuzata mujishimbi jojimwe, lwola lwosena.

26 Jino etu natumbata mikanda yimwe yamwaka ya mu Mbimbiliya. Omwo Yopa, umwe hali vaze malunga vakwoloka va likumbi lize, muthu wakukupuka mu jishimbi ja Kalunga, ngamba, chindume, ngamba wamulemu, palanga Kalunga ngwenyi, “Kakwechi naumwe nge ikiyeko, hano ha mavu.” Oloze . . . kufwila chenyi, lwola lumwe, kumona Kalunga. Ikiye atachikijile nge kwatwama Kalunga, kaha ikiye ewvile nge ikiye atela kumumona Ikiye, mokomoko, ngechiku, kuya kuzuvo Yenyi naku ngongomwezako, kaha ngwenyi, “Ngwakutonda kuhanjika na Ove.” Kutwama, kuhanjika na Ikiye, nge omu twejikulinga kuli umwe namukwavo.

27 Etu tukwechi kwivwushisa. Shikangaho etu tuli muli echi kuliwanawana, kuze natwiza hamwe na—na kusolola vishinganyeke vyetu. Kaha—kaha etu tvevwushisa umwe namukwavo, kanawa, omwo etu natuhanjika ha vyuma kana na

umwe namukwavo. Kaha Vakakuzata veji kulinganga ngachize. Vathu vakufuma kwosena veji kulinganga ngachize, kuhanjika vyuma kana.

²⁸ Kaha, Yopa, kalunga apwilenga hakamwihi na ikiye, ikiye atondele nge nahase kuyako, naku ngongomweza ha chikolo Chenyi, kaha—kaha kupwa na—na kulihwojola na Ikiye.

²⁹ Oloze etu tunawane nge Kalunga ahanjikile kuli ikiye, oloze Ikiye apwile walifwika. Ikiye apwile wa kulifwika muchifwanyisa cha kakundukundu. Kaha Ikiye amulwekele Yopa kukasa muhya wenyi wamumbunda; Ikiye mwaya nakuhanjika kuli ikiye, nge muthu. Kaha Ikiye ejile asulukile mu kakundukundu na—na kuhanjika kuli Yopa. Kaha Ikiye alisolwele kuli Yopa kuhichila mu Kakundukundu, olozeni ikiye alingile vene muze vene amulwezele Ikiye. Ikiye ahashile kwivwa ize peho kuhuhwa kwalumuka nakujinguluka, mumitondo. Kaha lize Lizu lyejile nakulovoka kufuma mukachi ka kakundukundu, oloze Kalunga apwile wa kufwika muze mukakundukundu.

³⁰ Etu twawane, nge mulitungu lya Africa, ku South Africa, vakiko veji kuzachisa lizu lya *amoyah*, kulumbununa, “ngolo jakuhona kumona.”

³¹ Kaha eji Ngolo jakuhona kumona, muze mukachi ka kandukundu, japwile na Lizu lya kuhanjika. Lya hanjikile kuli Yopa, oloze ikiye kanda amone chifwanyisa Chenyi. Oloze Ikiye apwile wakufwika, kuli ikiye, mu kakundukundu.

³² Etu twawane umwe hali vase tupolofweto vavanene vamu Mbimbiliya, Mose, wa Kukushika Chamwaka, umwe uze wakusakula kuli Kalunga, wakusakula, ngamba wakutongola, ikiye nawa afwililile kumukona Ikiye. Ikiye napunga hakamwihi na Ikiye, kaha amwene vyuma vyavivulu vya mangana akuswana Chenyi ja livoko lyenyi kuli ikiye na kulinga vyuma vize Kalunga kaha nahasse kulinga. Ikiye afwilile kumumona Ikiye likumbi limwe, kaha Kalunga amulwekele ikiye, “Yako, wimane hali lolwa.”

³³ Kaha shimbu emanyine halize lilolwa, Mose amwene Ikiye alinakuhita. Ikiye amwene nyima Yenyi. Kaha ikiye ngwenyi, “Asolokele nge muthu, nyima ya muthu.” Oloze, ikiye kamwene Kalunga ko. Ikiye amwene kaha chiwuva cha Kalunga.

³⁴ Eyi Mbimbiliya ngwayo, “Naumwe muthu amona lyehi Kalunga wauchi ha kala lwola, oloze kuvangila Umwe kaha lyamunwe wa Ise Ikiye namusolola.” Shikaho, Mose amwene Ikiye, wakufwika, nge Muthu. Etu tunawane nge Yehova wa ku Kushika Chamwaka apwilenga Yesu wa ku Kushika Chachihya.

³⁵ Kaha—kaha Ndotolo. Scofield hano, etu twawane nge, lizu lyenyi, kwalumuka kufuma “chifwanyisa.” Etu tunawane eli lizu lya *en morphe*, muchi ngiliki, kulumbununa kupwa “uze wakuhona kumona vamulingishile kupwa wakumona.”

Chumachimwe chize vahona...Etu tunatachikiza kuchili kuze. Echi chinahase kupwa...kaveshi kuhasa kuchimonako, oloze etu tunatachikiza nge kuchili kuze. Kaha omwo Ikiye alumumwine chifwanyisa Chenyi, cha *en morphe*, kulumbununa nge Ikiye alumukile kufuma mu kuzeneka kutenga mu kutenga.

³⁶ Kaha Ikiye alumwine kaha likishi Lyenyi, mujila ikwavo, chili nge chisela. Ikiye apwilenga nakulinga. Kaha muchi Ngiliki, omwo vakiko valumwine makishi javo, pamo umwe kuhema-...umwe mwahema pamo mwamuvulu havihanda vyakuhandunuka.

³⁷ Kaha mwanami wapwevo, ali hano, vakiko vapwilenga kushikola yayinene, na—na chisela. Kaha kanyike umwe walunga uze Ngunatachikiza, ahemene muvihanda viwana, oloze ikiye mwaya kunyima ya litanda kaha kulyalumuna likishi lyenyi—lyenyi, mangana ezenga cheka, kulondezeza vilinga vya weka.

³⁸ Jino, kachi enu namuya nakumbata maupolofweto aku Kushika Chamwaka kuvuluka omu atela kupwa Meshiya, enu munahase kupezelesa chize na chiyoyelo cha Yesu, kaha enu namuwavene nge Yesu apwilenga hiya. Ikiye kapwile kaha muthu kahako. Ikiye apwilenga Kalunga, *en morphe*. Ikiye vamwalumwine kufuma—kufuma mu mukuzeneka kutenga nakupwa mukutenga nakutunga Muthu. Ohonyi, Ikiye apwile Kalunga, kusoloka mumusonyi, kulifwika muuthu, chifwiko cha nyama.

Kaha enu talenu mu Kushika Chamwaka.

³⁹ Nguna—Nguna—Ngunatachikiza nge Nguli nakuhanjika kulikungumbuwa lya kufutula, ufukuuno, kufuma kuvinda vya muno mukaye vakuhandunuka. Kaha etu tuli hano tuwane. Twapwa etu—chuma muka etu tuli nakulinga? chuma muka—chuma muka twapwa? Etu tuli nakuya kulihi? Chuma muka chilinakusoloka? Echi chinalumbunuka muka?

⁴⁰ kaha jino etu tunawane, muno, nge, kachi enu malunga na mapwevo va Yuleya, kaha vakakunangula mu—mu—mu tembele, mu makumbi anahichi, kachi vakiko vatalile mu Mbimbiliya, aze maupolofweto, keshi ha visemwa ko, vakiko kachi vamutachikijile hiya Yesu. Vakiko kachi kavamuvulukile Ikiye kupwa Mbelezembule ko. Vakiko kachi kavamusukikileko Ikiye ko. Oloze, echo chosena chatela kuzata mujila kana. Chize chapwile chihanda cha chisela kana. Kaha vakiko vapwile vavelavishile, hali echi.

⁴¹ Echi chili nge enu malunga, mapwevo, hano ufuku uno, mwahase kupwa museteko yami mokomoko mwakolo chindende. Enu anukenu, muno mu America, myaka yinahichi, shimbu kanda...Va Chinese...Ndumb Wami walunga, uze ngwajimbwile hano, uze ejile muvishinganyeka vyami omwo Ngwapwile nakuhanjika kuli ikiye. Omwo vakiko

vapwilenga na... Vakiko kavahashile kuhanjika Ingilishi ko, kaha vakiko—vakiko vapwilenga nakusekasana cha kukosa. Kaha enu yenunga kuze eji kukoselanga, nakumbata vyuma vyenu. Va—va malunga vakukosa vachi Chinese vapwilenga nakatachikijilo, navakapula mujila yimwe yakulimayina. Ove mumbata chihanda chimwe cha katachikijilo; ikiye mwaya nakumbata chihanda chikwavo. Oloze omwo ove mukinduluka nakutambula uvwalo wove, vize vihanda vya mapapilo atela kulifwana. Kaha kachi akiko nawahona kulifwana kanawa vene... Ove kachi naufwanyisako mukala jila, mwomwo ikiye ali nachihanda chimwe kaha ove nawa chikwavo. Kaha kachi wafwanyisangako... Kahajino ove uli nalisesa lyakutambula vize vyo. kaha jino ove mutambula vyatela kupwa vyove, nge ove uli nachihanda chikwavo chachivwasano.

⁴² Shikaho echi chili, ufuku uno, nge etu tuli nachihnda chikwavo cha chivwasano. Nge, Kalunga omu apulile Mwan Neyi Walunga muvhanda vivali, kuze ka Kavali, kumbata mujimba kupwa Mulambu, kaha kutuma Shipilitu hamavu kuli etu, uze ayoyele muli Muthu, Yesu. Uze Kalunga youmwe ali mulihina ufuku uno, mu chifwanyisa cha Shipilitu Wajila. Vize vihanda vivali vyatela kwiza hamwe, kahajino ove mupwa chihanda cha chivwasano. Kalunga alingile echi, mangana vamutachikize kanawa kuli muthu, nge Ikiye alilingishile Lyavene kupwa Muthu.

⁴³ Ngwapwilenga na kutanga mujimbu, myaka yakunyima. Kaha muli uze mujimbu, wahanjikile mwamunene, mwangana wa chindume... Ngwavulyama lijina lyenyi, hano vene. Kangwapwile nakushinganyeka kuhanjika hali ou mujimbu ko. Echi, pamo chinapu chuma chakutunga kaha, oloze cheji kututwaminyina nakutwinyikila nakuhana etu chikuku cha evi twatondo kuhanjika. Ou mwangana, ikiye apwile umwe mwangana wa chindume, kaha umwe wakuzanga ou mutwe wachihande, palanga, likumbi limwe, shimbu kanda kalama kenyi—kenyi na kulihana chenyi, ikiye ambile ngwenyi, “Lelo, wangumono lwola lwove, lwamakumishilo, ha myaka yayivulu.”

⁴⁴ Kaha ou kalama na vindume jenyi vahanjikile kuli ikiye, “Mwangana wamwaza, mwomwoika uli nakuhanjika ngachize? Ove uli nakuya kulifuchi lyaungeji, kumwe, ukapwe mukakuzuzumana?”

⁴⁵ Ikiye ambile ngwenyi, “Nduma. Nguli nakutwama muno vene. Chamwaza,” amabile ngwenyi, “Nguli nakuya nakupwa mukachi ka vathu jami. Nguli nakuya nakupwa jimi wamundende. Yami nguli nakuya nakuvatula jikunyi na ngimbu. Nguli nakuya na—na nge mukakulima. Nguli nakuya na pamuna mivinyo navaze veji kupamunanga mivinyo. Nguli nakuya nakupwa umwe wavo, mangana ngwijilile na muze vakiko vaeji kulinganga. Kaha Ngwavazanga. Kaha Ngwatondo kupwa hamwe nakwijilila na vakiko, hakapanji. Vakiko kaveshi

kungutachikizako. Oloze, ohonyi, ngwatondo kwijilila kupwa hamwe navakiko, mujila kana.”

⁴⁶ Kaha chimene chikwavo, omwo vaze vathu jenyi, vosena vamumwene ikiye, mokomoko vakwavo vapwilenga mu nganda, kufumisa muchama nakuhaka mumavu hachitwamo, cha litanda; kaha kufumisa, na kuvwala uvwalo wa jimi wamundende, kutambuka mukachi kavathu vangana vene.

Jino, muze mumujimbu waundende, etu tunawane ngachilii Kalunga.

⁴⁷ Vakiko hanjikile kuli mwangana, ngwavo, “Mwangana, etu twatondo ove. Etu twakuzanga ove. Etu—etu twatondo ove kupwa mwangana.” Oloze ikiye atondele kupwa umwe wavo, mangana avatachikize kanawa, mangana vakiko vahase kumutachikiza ikiye kanawa, ikiye apwilenga hiya. Chize nachisolola kuli vakiko ikiye apwa hiya.

⁴⁸ Kaha omu mukiko Kalunga alingile. Ikiye—Ikiye alyalumwine Lyavene, kufuma mukupwa Yehova Kalunga, nakwiza nakupwa umwe wetu, mangana Ikiye ayande, Ikiye mangana amakile kufwa, Ikiye ahase kutachikiza mumunyi wa kufwa wapwile ngachilihi, kaha kumbata fweto ya kufwa hali Lyavene. Ikiye atulikile kusali muchama Wenyi—Wenyi na chikuto Chenyi, kaha ejile nakupwa umwe wetu. Ikiye asanyishile mahinji na vaze—na vaze—vaze va kuhutwa. Ikiye atwaminenga mujimbalaka, na vakakuhutwa. Ikiye asavalile mu—mu musenge na mujijila, navaze vapwilenga vakuhona uselewa. Ikiye ejile nakupwa umwe wetu, mangana Ikiye ahase kwivwushisa etu kanawa, kaha mangana etu tumwivwushise Ikiye kanawa.

⁴⁹ Jino, Ngwashinganyeka, muli chize, etu twawane, chize kulyalumuna, Lyavene, chuma Ikiye alingile. Kachi ove mutalisa kanawa, Ikiye ejile mulijina lya vaze vana vamaunga vatathu. Ikiye ejile mu lijina lya Mwana muthu, na muli Mwana Kalunga, na muli Mwana Ndavichi. Ikiye ejile nge Mwana muthu.

⁵⁰ Jino, mu Ezekiel 2:3, Yehova, Lyavene, avulukile Ezekiel, uze kapolofweto kupwa, “Mwana muthu.”

⁵¹ *Mwana muthu* kulumbununa “kapolofweto.” Ikiye apwilenga nakwiza mujila kana, nakuzalisa Lushimbi lwamuchivali 18:15, muze Mose ahanjikile ngwenyi, “Ou Yehova Kalunga kenu mwakaya nakukatula mukachikenu kapolofweto wakufwana nge yami.” Ikiye kali vulukile Lyavene kupwa Mwana Kalunga ko. Ikiye alivulukile Lyavene, “kupwa Mwana muthu,” mwomwo Ikiye atela kwiza cheka kutesekesa na Chisoneka. Talenu? Ikiye atela kulinga vize vihanda vya mapapilo vivali, upolofweto wa Kushika Chamyaka na vilinga Vyenyi Ivene, kupwa vene chochimwe. Shikaho, Ikiye ejile, nge Mwana muthu, kwiza muli chize chifwanyisa.

⁵² kahajino etu tunawane, hanyima ya Kufwa Chenyi, kufunda, na kusanguka, Ikiye ejile ha Likumbi lya Pendekosita, nge Mwana Kalunga; Kalunga, uze Shipilitu, mu chifwanyisa, cha Shipilitu Wajila. Chuma muka Ikiye apwilenga nakulinga? Ikiye apwilenga nakulyalumuna Lyavene, kulilingisa Lyavene kumutachikiza kuli vathu Jenyi mu chifwanyisa chakuhandunuka. Nge, ou Shipilitu Wajila, ou ali Kalunga, Ikiye ejile nakuzata kuhichila muchisemunuino chamauka, nge Mwana Kalunga, uze Shipilitu Wajila.

⁵³ Oloze, mu likombakaji, Ikiye mwakeza nge Mwana Ndavichi, kutwama ha litanda lya Ndavichi, Mwangana. Ikiye mwakaya nakupwa na litanda lya Ndavichi. Ikiye ali halitanda lya Ise jino. kaha jino Ikiye amabile ngwenyi, “Wosena mwaya nakufungulula mwakaya nakutwama na Yami halitanda Lyami, nge omu nayami nawa Ngwafungulwle kaha Ngwatwama halitanda lya Tata.” Shikaho, Ikiye, mu likombakaji, Ikiye mwakaya nakupwa Mwana Ndavichi. Chuma muka echi? Uze Kalunga youmwe, lwola lwosena, kwalumuna likishi Lyenyi—Lyenyi.

Yami, kuli puwami, nguli lunga lyenyi.

⁵⁴ Munatachikiza? Uze pwevo wa Sulyafwenyisha ambile ngwenyi, “Ove Mwana Ndavichi, nguvwile keke.” Ikiye, kachamulingishile Ikiye mumweko, namba mumweko. Ikiye kapwile namba nalisesa lya kumusanyika Ikiye muzeko. Ikiye kapwilenga na chize kukala hali Ikiye ko kupwa Mwana Ndavichi. Ikiye apwilenga . . . Ikiye apwilenga Mwana Ndavichi, kuli va Yuleya. Kaha jino Ikiye ejile . . . Oloze omwo ikiye asanyikile hali Ikiye, “Mwata,” Ikiye apwile Mwata wenyi, kahajino ikiye atambwile vize atondele.

Jino, nge Ikiye ali nakulyalumuna Lyavene.

⁵⁵ Jino, muzuvo yami, Nguli vathu vatatu. Muzuvo yami, pwevo lyami mwanguvuluka lunga lyami. Mwanami wapwevo muze, ikiye keshi naisesa lya kunguvuluka lunga lyamiko; Ngwapwa ngu ise. Kaha muzukulyami wamundende muze, Yami ngu kaka yenyi, shikaho keshi na lisesa lya kunguvuluka yami kupwa ise ko. Kangweshi ngu ise ko. Mwana walunga ikiye ise. Yami ngukaka yenyi. Oloze Nguli muthu youmwe.

⁵⁶ Kaha Kalunga, chuma Ikiye alinga, Ikiye eji kulyalumuna Lyavene, kwiza kuli chize chisemunuino, kulisolola Lyavene ku vathu. Kaha omu mukiko etu tuli hano nakuwana echi, ufuku uno. Mujila muka Kalunga atelanga kulilingisa Lyavene kumutachikiza kuli vathu na mulwola luno? Ikiye eji kwalumunanga Likishi Lyenyi, Ikiye eji kwalumunanga Vilinga vyenyi, oloze Ikiye keji kwalumukakako omu apwa. Ikiye kalumuna chisemwa Chenyi—Chenyi ko. Ikiye eji kwalumunanga likishi Lyenyi, kufuma muli umwe nakuya muli mukwavo. Ikiye eji kuchilinga, kulisolola Lyavene hatoma to

kuli vathu, mangana vakiko vahase kutachikiza Ikiye hiya, kaha Ikiye chuma muka.

⁵⁷ Mu Hepeleu 1, etu twatange, “Kalunga, mu lwola lwakumwaka kaha mujila jakuhandunuka hanjikilenga kuli vakakuluka jetu, kuhichila mui tupolofweto, oloze muli ano makumbi akumakumishilo kuhichila muli Mwa Nenyi, Yesu.”

⁵⁸ Jino, “Vaze tupolofweto,” Yesu ngwenyi, omwo Ikiye apwilenga hano hamavu, “vakiko vapwilenga tulunga. Enu mweji kuvulukanga vaze kupwa ‘tulunga’ vaze kwejile Lizu Iya Kalunga. Kaha Visoneka kaveshi kuhasa kuvihokolako,” Ikiye ngwenyi. Ambile ngwenyi, “Namuya nangachili nakupaisa Ikiye jino, nge Ikiye ali Mwana Kalunga?” Talenu?

⁵⁹ Eli Lizu Iya Kalunga vanalihane kuchisemunuino hi chisemunuino, mangana Lilinge ika. Kaha Yesu apwile kuzalishiwa cha upolofweto wosena. “Muli Ikiye mwatwama kuzalilila cha Ukalunga wosena mumujimba.” Chapwile muli Ikiye. Ikiye apwile Umwe uze apwilenga muli Yosefwa. Ikiye apwilenga Umwe Uze apwilenga muli Eliya. Ikiye apwilenga Umwe Uze apwilenga muli Mose. Ikiye apwilenga Umwe Uze apwilenga muli Ndavichi, uze mwangana wakukana.

⁶⁰ Vathu jenyi ivene vamukanyine, kupwa mwangana. Kaha nge omu ikiye ayile nakulovoka muze—muze muchipango, chachindende, muthu wakuyanjisa kukalava nakujinguluka, kazangile chize kupwa fulumende yenyi—yenyi ko, zachiso yenyi, kaha amufwijilile ikiye. Kaha uze kalama asomwene poko yauvele kuvali, ngwenyi, “Kumana Nguseze lika mutwe wayou kawa hali ikiye, ali nakufwijila mwangana wami?”

⁶¹ Kaha Ndavichi, pamo nakuhona kutachikiza vyuma muka ikiye apwile nakulinga halwola luze, oloze ikiye apwile wakuwavisa. Kaha ikiye ngwenyi, “Museze ukawenyi. Kalunga namulweke kulinga ngachize.” Kaha ikiye akandukile hapili na kulila hali Yelusalema, mwangana wakuhunga.

⁶² Munatachikiza? Myaka handulendi kufuma haze jino, uze Mwana Ndavichi kumufwijila, mujijila, kaha apwilenga hapili, pili yoyimwe, kuyala hali Yelusalama, Mwangana wakuhunga. Kaha alilile, “Yelusalema, omwo ngwazanga kukuuchijeka nge kaumbi mwauchijeka vana venyi, oloze ove kawahashileko!”

⁶³ Ikiye kanda lyehi alumune chisemwa Chenyi, mwomwo mu Hepeleu 13:8 ngwenyi, “Ikiye youmwe zau lelo, na haya myaka.” Kalunga vamulingile kupwa nanyama, mangana afwenga, atusokole etu kufuma mushili. Shikangaho Ikiye alyalumwine Lyavene, kupwa nge—nge Muthu.

⁶⁴ Etu twamono, muli Mukakujila Yowano 12:20, va Ngiliki vwele hali Ikiye. Jino, kakwechi muthu nahase kwivwa hali Ikiye kuvangila muchima yavo nayiwema kuvangila vamumone Ikiye. Nge Yopa na tupolofweto vakumwaka, vakiko vosena vatondele kumumona Ikiye. Shikaho, ava va Ngiliki vejile vamumone

Ikiye. Vakiko vejile kuli Fwilipi, uze apwilenga ku Mbetesete, ngwavo, “Mwane, etu twatondo kumumona Yesu.”

⁶⁵ Va Ngiliki vatondele kumumona Ikiye, oloze vakiko kavahasileko kumumona Ikiye mwomwo Ikiye apwilenga mutembele ya uthu Wenyi. “Kalunga apwilenga muli Kulishitu, kukindulwisa kaye kuli Lyavene.” Jino etu twawane nge, muli echi, ava va Ngiliki kavahashile kumumona Ikiye ko.

⁶⁶ Kaha tachikizeneu mazu amwe aze Yesu ajimbwile kuli vakiko, kufuma haze. Ikiye ngwenyi, “Kuvangila linona lya tiliku liholokele mumavu, lifwenga, litwamemo ukawalyo.” Mujila ikwavo, vakiko kachi kaveshi kuhasa kumumona Ikiye mukwalumuka chenyi, mu likishi lize Ikiye apwilenga, mwomwo Ikiye apwilenga wa kulifwika mumujimba wa nyama. Oloze nge linona lya Tiliku naliholokele mumavu, kahajino Nachineha kala miyachi. Ikiye apwile wakutuma kuli va Yuleya, mukiko vene, halwola luze. Oloze eli linona lya Tiliku lyatela kuholoka; kufwika Kalunga, mumujimba wa nyama, kulisweka kuli vakakuzeneka kufwelela, oloze kupwa wakulisolola kuli vaka kufwelela.

⁶⁷ Mu Yowano 1, “Mu kuputuka kwapwile Lizu, kaha Lizu luapwilenga na Kalunga, kaha Lizu lyapwilenga Kalunga. Kaha eli Lizu valilingishile kupwa wa nyama, kaha nakutwama muli etu, kaha etu twamumwene Ikiye, uze umwe kaha Lyamumwe kuli Tata, wakuzala na likoji.” Jino, mukuputuka kwapwilenga Lizu. Kaha Lizu lyapwa chishinganyeka vanasolola.

⁶⁸ Mu kuputuka, Ikiye kapwile na Kalunga ko. Jino, mu Ingilishi yetu yalelo, *Kalunga*, kulumbununa “chuma chakulifukulako.” Omwo chinapu chimbalanganyi mu vishinganyeka. Enu munase kulingisa muthu kupwa kalunga. Enu munahase kulingisa kala chuma kupwa kalunga.

⁶⁹ Oloze mu Kushika Chamwaka, mu Kuputuka 1, “Mu kuputuka *Kalunga*,” lize lizu lyapwilenga, Elohim. *Elohim* kulumbununa “uze alimanyina Ukawenyi.” Chihandwa muka na lizu Elohim, kuli lizu lya Kalunga. *Elohim* kulumbununa “uze Umwe wakulimanyina.”

⁷⁰ Etu katwechi kupwa vakulimanyina. Etu katweshi kupwa vaundume, ngolo jakuzeneka kukuma, kupwa kwosena, wamangana osena. Uze Elohim eji kusolola vyosena vize. Etu katweshi kuhasa kupwa ngachizeko. Uze mutondo uze mweji kulingisanga kupwa kalunga, mokomoko ize—mokomoko ize zuvo, kayeshi yakulimanyina ko.

⁷¹ Shikaho, Kalunga, mu kuputuka, apwilenga Kuyoya, umwe Uze Hayamyaka. Muli Ikiye mwapwilenga tengeso, kaha ize tengeso yejile nakupwa Mazu, kaha eli Lizu lyejile na kupwa musonyi. Yesu apwilenga Mukakusokola. Kaha *kusokola*, kulumbununa, “kukindulwisa.” Kachi Ikiye atela kukindulwisa, kaha chatela kupwa kumwe numba

kukindulwisa. Shikaho, unamono, vathu vosena kaveshi kaya nakumona echi ko, mwomwo vathu vosena kavapwileko kukuputuka mu vishinganyeka vya Kalunga. Talenu?

⁷² Tala hali tupilishitu. Omwo vamwene Ikiye kulijimbula Lyavene na Lizu, omwo Ikiye apwilenga, Vakiko ngwavo, “Apwa Mbelezembule.” Chize chasolwele chisemwa chavo chapwilenga chika. Chize chapwilenga kushinganyeka cha likumbi lyakutona.

⁷³ Oloze omwo uze lihule wamundende, uze Ikiye alihumanganyine nenyi ha chikolo, kaha amulwekele, ajimbwile chinjikizo cha umeshiya Wenyi, ha kumulweka ikiye ovyo alingile. “Mwomwoika,” ikiye ngwenyi, “Mwane, Ngwashingtonyeka nge Ove wapwa Ukapolofweto. Etu twatachikiza, nge Meshiya, omwo Ikiye mwakeza, Ikiye mwakaya nakutulweka etu vyuma vyosena evi.” Uze pwevo amwijivile Ikiye nge Meshiya, uze Umwe wakuwvisa, mwomwo Ikiye natesamo na Chisoneka. Kamwamwene ngachizeko? [Chikungulwilo ngwacho, “Amena.”—Muka.] Vize vihanda vivali vya lipapilo vya pwile nakwiza hamwe. Uze pwevo, “Etu tunatachikiza ngana, omwo Meshiya mwakeza.”

⁷⁴ Jino, Kalunga atela kufutula *echi* na *chize*, kupwa nakaka kakandende kangezo, kupwa nge chuma chakuya na kupola. Oloze omwo Yesu alumukile, ambile ngwenyi, “Yami Vene ou ali nakuhajika na ove,” kakwapwile wakufwana nge “Mbelezembule.” Uze pwevo asele mulondo wenyi, kulaha nakuya mu mbongi, kaha ambile ngwenyi, “Twayenu, mutale ou Lunga nangulweke vyuma vize Ngunalingi. Keshi Ikiye Meshiya iveneko?” Talenu?

⁷⁵ Jino, chuma muka echi? Kuhaka Chisoneka chamwaka na kutachikiza chize—chize Yesu apwile nakumuhana, chuma muka chalingikile? Echi chatungile Meshiya. Kaha munamono? Washi washi, jishili jenyi vajikonekele, mwomwo, ha kuputuka, ikiye apwile wakuhasa kusokolewa, mwomwo apwilenga muvishinganyeka vya Kalunga kukuputuka. Shikaho, chamusokwele, mokomoko chamunehela cheka, omwo ikiye amwene chize kusoloka Chisoneka kusoloka, cha Yehova, omwo Ikiye apwilenga ika, ikiye chuma muka.

⁷⁶ Jino, omwo Yesu ejile, kachi Ikiye ejile na mujimbu wa Nowa, kachi kachazawileko. Kutunga wato, kaha kufungama, kachi kachazachiwileko. Oloze uze Nowa apwile chihanda cha Kalunga. Ikiye azachile mujila yakulipwila mwomwo ikiye apwile wakulipwila, kaha mujimbu wenyi wapwile wakulipwila mwomwo lyapwile Lizu lyenyi kusoloka.

⁷⁷ Ikiye kahashile chipwe kwiza na mujimbu wa Mose, mwomwo kachi kachazachiwileko. Mose apwile Kalunga, muchihanda, asolokelele. Ikiye apwile lizu kusoloka mu

ola kana, oloze Yesu keshi mujila kanako. Eyi Mbimbiliya kayahanjika nge Ikiye mwakeza mujila kanako.

⁷⁸ Oloze omwo Ikiye mwakeza, nakusoloka nge muze—muze mu Kushika ahanjikile Ikiye nge mwakalisolola, kahajino vosena vaze vatelele kusokoka vafwelele Chize, mwomwo vakiko vapwile vishinganyeka vya Kalunga. Jize tengeso ya Ikiye ha kuputuka, vayilingishile kupwa musonyi, kaha yakutela kusokola, kaha vayinehele cheka kuli Kalunga. “Vosena vaze vamwitavile ikiye, kuli vakiko Ikiye avahanyine ngolo jakupwa vana va Kalunga,” mwomwo vakiko vapwile vakutela kusokoka. Vakiko vapwilenga vakufuma kukuputuka, mukusoloka.

⁷⁹ Kachi etu tunahase kwimana hano chindende, kachi chinahase, na kushinganyeka echi, ufuku uno, wa mujimbu wa ola, kusoloka cha vishinganyeka vya Yehova. “Shimbu kanda chikuku cha kaye,” etu vatulwekele, “majina etu apwilenga akuhaka mu Mukanda wa mwana Mukoko wa Kuyoya.” Kahajino etu tunahase kumona sali josena jivali, nge muze ngwalivanganga kuhanjika, mwomwoika imwe ili yakufwana ikwavo. Echi chatela kupwa muli ize jila. Chapwilenga ngana lwola lwosena. Echi chatela kupwa muli ize jila lwola lwosena, kaha chatela kupwa muli eyi jila lwola lwosena. “Ikiye apwilenga lize Lizu. Kaha lize Lizu lyalitengelekele kupwa wachisemwa cha hamavu nakutwama muli yetu.”

⁸⁰ Jino, Kalunga, mu...kunyima mumakumbi a Kushika Chamwaka, etu tunawane hanyima Ikiye alisolwele kuli vathu Jenyi, mu vifwanyisa vyakuhandunuka handunuka, Ikiye alifwikile Lyavene kunyima ya chikova chachipupi wamwaka. Kalunga kulisweka munyima ya chikova cha chichipupi, ha chitwamo Chenyi chakeke. Etu twawane nge, omwo Solomone, omwo akujikile ize tembele kuli Yehova, kaha evi vikova vya chipupi vya pwile vinasukama muze, lihina omu Ikiye ejie mu Panda ya mulangi wa Kakahya na Livwi, nakuya nakushikumuka muze, Kaha nakulifwika Lyavene, kuli vakaweluka wa kaye. Oloze, ha lufwelelo, Isalele vamwijivile Ikiye kupwa muze. Vakiko vamwijivile Ikiye apwile muze, chipwethuhu vaka kaye vakuzeneka kutachikiza kalunga vahanjikile ika. ikiye apwile wakuswama kufuma kuli vakakuzeneka kufwelele. Oloze vakakufwelele, ha lufwelelo, vamwijivile Ikiye bge apwile muze. Vakiko vapwile na keke. Kaha Ikiye apwile ha chitwama Chenyi cha keke.

⁸¹ Munatachikiza, mu Kushika Chamwaka, ha kwingila kunyima ya lize lilambu lyapwilenga shina kufwa. Jino kutwama nakufuma kunyima yacho shina kufwa. Kahajino ha kwingila mu Upahu Wenyi chapwilenga kufwa. Jino kuhona kupwa mu Upahu Wenyi shina kufwa. Chize chasolokele, mukiko vene, ha kupulika cha lize lihina ha Kavali, omwo lize lihina lyapulikile, lihina lya mwaka. Jino kuhona kupwa Kumeso Eyi chinapu kufwa. Kahajino kwingila Kumeso Eyi chapwilenga kufwa.

Talenu? Echi cheji kwalumuka kulutwe na kunyima na ngocho, kaha ove watela kuwana Chisoneka mangana umone likumbi muka uli nakuyoyela.

⁸² Jino, omwo lihina lyapulikile ha Kavali, kaha chitwamo cha keke chejile nakusoloka hatoma. (Oloze chuma muka chasolokele? Chapwile kusukika ha Kavali, Manyinga kusotoka.) Nge vakiko vambachilenga manyinga, hamwaka hamwaka, kutomesa muze mwajila kaha nakusapwila ha chitwamo cha keke, haze, Kalunga, na undume Wenyi kuveta muveso nangolo, kuhandununa lihina lya chipupi kufuma kwilu na kwishi, kaha chitwamo cha keke chejile nakupwa hatoma.

⁸³ Uze ivene, Mukoko wamwenemwene wa Kalunga apwile wakusukika hatoma to ha Kavali, chikiko Chitwama chivene cha Keke, omwo Kalunga afwetele ndando, Lyavene; kaha nakwiza nakupwa nge umwe wetu, kaha ikiye asolokele Lyavene kupwa nge Muthu, kwiza nakwijilila hamwe naetu, kaha etu kwijilila hamwe na Ikiye. Chize Chitwamo cha Keke chapwile hatoma to kuli va Isalele vosena ha likumbi lize lya Kutomesa.

⁸⁴ Oloze, mamalelo, visemwa vya mauka ava kakuluka vamulikumbi lize, ha visemwa vyavo, vyava fwikile nakufuma kumuchano wa Chitwamo cha Keke kufuma kuli vathu. Kachi vakiko vatachijikile Chisoneka, kachi chihnda hi chihanda kachi chineza nakupwa nge katachikijilo ka Chinese. Uze upolofweto wa Kushika Chamwaka kachi wazalishile, kaha mukiko chapwile. Kaha kachi vakiko vavanangwile Chisoneka, vakiko kachi vamwene Chitwamo cha Keke. “Nge Mose,” ambile ngwenyi, ngana, “kulikumbi lino vakiko vanalifwiki. Hanga chili hamichima yavo.” Vakiko kaveshi nakumona Chizeko.

⁸⁵ Oloze, Ikiye apwilenga Kalunga, kuyanda na Kutomesa. Ikiye apwile Chitwamo cha Keke mukusoloka muvene. Nge omu twembanga mwaso:

Tala, Ikiye alihatoma to.

Uze Ikiye haze, chindume muka Kufungulula,
Kufuma haze Ikiye apulile lize lihina muvali.

⁸⁶ Talenu, Ikiye ejile, chize Chitwamo cha Keke, kusukama hatoma to ku chikungulwilo. Oloze vakiko, hakupwa muvishinganyeka vya vathu kuvula . . .

⁸⁷ Jino, malunga na mapwevo, na enu vangeji muli muno mukuliwana, Ngwatondo kuhanjika echi chakuzeneka kumwena muthu mweka na mweka. Oloze, mukutala mulikumbi lya lelo, mukutala mwomwo ika etu tuli hano lelo, Nguli nawoma hali evi visemwa vya va kakuluka, liuka lya vakakuluka, linasweke Echi kumeso avathu vavavulu. Hakupwa Shipilitu Wajila neza nakwingila muno mumakumbi akumakumishilo, nge vapolofwetele, kaha lize lihina vanalipulu, vathu vavavulu vali nakweseka kusukama ku visemwa vyavo vya vakakuluka javo. Kaha omu mukiko vakiko vanahono kumona echi

kuwahilila, na kuunda, kaha vyuma kana Liuka likwechi lelo. Ohonyi, Echi chili hatoma to kuli vaze vafwelela.

Ikiye asweka eli Lizu, Lizu lya kushika lya likumbi lya lelo.

⁸⁸ Jino, visemwa vinatungu lihina. Vakiko ngwavo makumbi avikomwesa ahita lyehi. Muthu umwe ahanjikile kuli yami mujila kana, chamwaza, mukweze waitongwe wakutunga kanawa mu Tucson, Arizona, kuze Ngwatwama. Ngwapwilenga nakuliwana ku Ramada. Kaha etu tunapunga nakuhanjika ku Business Men Convention kuze Mwata Yesu ejile na kulinga vilinga vya vinene. Kaha ou mukweze waitongwe Mukakulishitu ejile kuli yami, kaha ikiye ambile ngwenyi. . . Mukakuzata muliuka, chamwaza, kaha ikiye ambile ngwenyi, “Ndumbu walunga Branham, ove uli nakweseka kuneha chisemunuino cha vapositolo kuli vathu,” Ikiye ambile ngwenyi, “ohonyi chisemunuino cha vapositolo chakuma.”

⁸⁹ Kaha Ngwambile ngwami, “Ngwalombo, ndumbwami walunga, ungulwekese oho chakumina chisemunuino cha vapositolo, mu Chisoneka.” Ngwambile ngwami, “Chisemunuino cha vapositolo chaputukile ha Likumbi lya Pendekosita, kaha chili. . . Petulu ambile ngwenyi, ha Likumbi lya Pendekosita, ‘Elu lushiko luli kuli enu, kaha nakuli vana venu, kaha kuli vosena vaze vali kwakusuku, nakuli vavavulu vaze Mwata Kalunga ketu mwakasanyika.’ Kaha mwaka uka chakumine? Kachi Kalunga achili nakusanyika, kahajino chisemunuino cha vapositolo hanga chichili.”

⁹⁰ Kaha shikaho omu mukiko vathu vali nakweseka kuuva vathu vavavulu, ha visemwa vyavo vya kulwane javo, nge omu chapwilenga. Kaha enu namuhono kumona mwowoika vathu vali nakuwahilila na kukana. Kaha—kaha evi viwanyino vili vene vyakusehewa, chuma chaungeji, kuli vathu veka, chili mwomwo vakiko vanahokola chipato chamuseto. Vakiko vahokwele nakuhita mumahina, nakwingila Kumeso a Kalunga, kuze vali nakumona kusoloka cha lushiko lwalelo lunasoloka kumeso avathu. Vakiko vanamono chize Kalunga ashikile.

⁹¹ Mu Yowele 2:28, Ikiye ashikile, nge, “Mu makumbi amakumishilo nakukaya nakupwa vula ya makumishilo *kuhingunuka* hali vathu, mumakumbi amakumishilo.” Ngwashingtonyeka lizu lya chi Ngiliki muze lyapwa *kenos*, kulumbununa nge Ikiye ali “mwangile” Lyavene. Keshi mujila kana etu tunhase kuhanjikako, nge chumachimwe chapwile mukachi ka muthuumwe, mangana Ikiye amumwangilemo. Oloze, Ikiye ali mwangile Lyavene.

⁹² Ikiye alumukile; Uvene u *en morphe*. Ikiye—Ikiye alumukile, kufuma muze Ikiye apwilenga, nakupwa muze Ikiye ali. Ikiye kanda lyehi alumuke mu chisemwa Chenyi. Oloze ha Likumbi lya Pendekosita, Ikiye alyalumwine Lyavene kufuma mu Mwana muthu, na kupwa Mwana Kalunga. Ikiye ejile, keshi *na* vathu ko.

Ikiye ejile *muli* vathu, talenu, uze Kalunga youmwe, kutwalilaho mulimo Wenyi swii, na kusongo ya chisemunuino chachinene.

⁹³ Ikiye apolofwetele muno mu Mbimbiliya, nge, “Nakukaya nakupwa likumbi limwe lize kalyeshi kukapwa liukmbi mokomoko ufuku, oloze muchiteuko chalikumbi nakukupwa Kumunyika.” Jino, lize likumbi, omwo lyayoya, lyeji kututuka kumututuko na kulauka kumulauko. Eli lili lyo limwe, lwola lwosena. Jino, omwo, uze Mwana, M-w-a-n-a, kulisolola Lyavene mukusoloka cha Lizu lya lushiko, ku Isalele, vathu va Kumututuko.

⁹⁴ Etu twapwile na likumbi lya milima. Etu twapwile na musana wakatamo mumakumbi avakakutungulula, kaha ngocho, akutunga mauka na vikingulwilo, kaha nakulinunga nawo na kwingilamo; na kusweswanya va kamba, na kumbata vanakolo, na kufunda vafu, na vya ngocho; kaha kuyoya muliuka.

⁹⁵ Oloze, mulwola lwa chingoloshi, “Nakukapwa Kumunyika,” Ikiye ambile ngwenyi, “muze lwola lwa chingoloshi.” Kaha kakweshi kukapwa Chisoneka vanahase kahokolako. Kaha youmwe M-w-a-n-a uze alimwangile Lyavene, *kenos*, ha Likumbi lya Pendekosita, ashikile kulinga chuma chimwe na mulwola lwa chingoloshi. Talenu? Echi chili kutesekesa na lushiko.

⁹⁶ Mbatenu tupachiso hamwe. Tala chuma muka chili nakusoloka, kaha tala Ikiye ashikile ika, kahajino ove muya nakumona etu tuli halihi. Mbatenu vyuma hamwe. Ove unahase kumona kulifukununa cha ou wamunene kaha nawa Uze chindume. Visemwa vinelavisa vathu, cheka, kuli evi vyuma vyavinene vize vapolofwetele.

⁹⁷ Mose, omwo ejile nakufuma kupili, ize yapwile ha Kakahya, ocho kuwaha omwo chasolokele!

⁹⁸ Mose ayile ku Ejipitu na kulweka visemi ja liuka nge Yehova Kalunga namutambukila mu Lijina lya “NGWAPWA.” Lize Lijina lyapwa liliko; “keshi Ngwapwile; nangukapwako.” Oloze, “NGWAPWA,” apwa mwomumwe, youmwe zau, lelo, na hayamyaka. Ikiye aliko. Ikiye. . . Chize chipezelese na Hepelewu 13:8, “Yesu Kulishitu youmwe zau, lelo, nahamyaka.”

⁹⁹ Eli hanga Lizu vanapolofweta. Kaha, chikungulwilo, chize chatela kupwa mumwe na Lizu, kutachikiza cha lelo. Vaze vakakutungulula vapwile nacho, mamalelo, oloze eli linapu likumbi likwavo. Talenu likumbi muka etu tuli nakuyoyelamo. Nge omu Ikiye kahashile kwiza, mu makumbi aze Ikiye ejile hano hamavu, mu—mujila ize Mose ejile, mokomoko kala tupolofweto omwo vejile; kava chipolofweteleko. Kaha muli ano makumbi, vanachipolofweto muli eyi jila. Echi kacheshi kuhasa kwiza mu chifwanyisa cha kuhizumuka cha Luther ko. Kacheshi kuhasa kwiza muchifwanyisa cha kuhizumuka cha Wesley ko. Lunapu

ola ya kutungulula. Eli lunapu lwola luze chatela kukinduluka ku kaputu Mwana Kumunyika, uze kaputu.

¹⁰⁰ Mamalelo, omwo tunahase etu kuhaka Chisoneka omu, hali chize! Kaha enu vakulinangula mbimbiliya kuhichila mushikola, chihanda muka cha kaye enu mwafuminyina, munatachikiza Echi kupwa muchano. Elu lunapu lushiko. Echi chikiko cheji kulingisanga vathu kupwa vakusehewa chikuma. Echi chikiko cheji kutunganga vakusehewa, vaze mweji kuvulukanga ngocho. Echi chili mwomwo vakiko vali . . . echi . . . Lize lihina vanalifukununa, kufuma ku visemwa, kaha vakiko vali nakumona Echi. Ikiye Youmwe zau, lelo, na hayamyaka. Talenu? Elu—elu lunapu lushiko lwa Kalunga, kaha etu katweshi kulimbalaka na chizeko, mwomwo Chisoneka kaveshi kuhasa kuchihokolako. Eyo. Etu tunawane Ikiye kushika chize. Ikiye nalimwangila Lyavene muli vathu Jenyi. Kaha Ikiye youmwe zau, lelo, na hayamyaka.

¹⁰¹ Mose, hanyima yakuya ku Ejipitu na kwambulula echi, kahajino Tata enjikijile mujimbu wenyi, ha kwiza ha Pili ya Shinayi, mu Panda yamulangi wa Kakahya yoyimwe, kaha nakuhaka ize pili ha Kakahya. Twamonanga? Uze Ikiye umwe ahanyine lushiko, Ikiye amunehеле na Lizu. Ikiye apwile na jishimbi. Kaha kupwa na eji jishimbi, ikiye apwile . . . Eji jishimbi japwilenga eli Lizu. Eli Lizu tele kanda lizenga kuli vathu. Shikaho, eli Lizu lwola lwosena lyeji kwizanga kuli kapolofweto, kaha ikiye apwile kapolofweto wa ize ola.

¹⁰² Nge, Yesu apwilenga lize Lizu. Yowano apwilenga kapolofweto. Kaha Yesu ejile kuli ikiye, mu meya, mwomwo Lizu lwola lwosena lyeji kwizanga kuli kapolofweto, chakuzeneka kuhona. Talenu? Eli Lizu lyeji kwizanga kuli chize.

¹⁰³ Shikaho, Mose, eli Lizu lyejile kuli ikiye, eji jishimbi. kaha ikiye apwilenga najo. Jino, mwomwoika? Shimbu kanda lize Lizu valihane na kulisolola, Mose apwile na lihina kumeso enyi, mwomwo Lizu tele kanda vali solole. Vakiko vatachikijile chumachimwe chinisoloka, kutoze vakiko kavatachikijileko chinapu chuma muka, kutahwoka na mikalateta. Palanga, vakiko ngwavo, “Echa Mose ahanjike, kaha keshi Kalunga ko.”

¹⁰⁴ Kaha Kalunga ambile ngwenyi, “Chamwaza, nanguya nakulinga echi. Kufuma hano vene, Kangweshi kasoloka cheka mujila kanako cheka. Nangukatumina kapolofweto. Shikaho ikiye mwakaya . . . Nanguya nakuhanjika kuhichila muli kapolofweto Kami.”

¹⁰⁵ Jino, kachi Mose, na jishimbi ja chisemwa, (nge Paulu, mu Kolinde Wamuchivali hano, nalisolola kuli etu), ali fwikile meso eyi na chisemwa, na chihambakana chikuma hakupwa Chakushipilitu kupwa cha upahu na kufwika vaze vakakuzeneka kufwelela shimbu kanda echi chisoloke kuli ikiye! Na chihambakana nakumivuluka enu ngachilihi . . .

Mose kupwa chakusehewa. Nachihambakana chikuma vakiko kumisanyika enu, munapulasana lize lihina, na kwingila mu Panda ya mulangi wa Kakahya, kwiza na Kukisula! Kahajino enu vamifwikile. Vaze vathu vahonene kumona. Vakiko vahonene kwivwishisa Echi.

¹⁰⁶ “Kachi chisemwa nachipwa na upahu, ngachilihi chize chaukalunga! Kachi chize chisemwa, chize chikwechi makumishilo, chapwile na upahu, ngachilihi Echi chakuzeneka makumishilo, nachipwa chaupahu chikuma!”

¹⁰⁷ Oloze, hanga, Echi chafwika. Echi kachafwikile vakufwelelako, oloze vakakuzeneka kufwelela. Ikiye keshi kuhasa kumona Echiko. Kalunga lwola lwosena eji kulifwika Lyavene kufuma kuli vakakuzeneka kufwelela. Visemwa vyeji kusweka Ech. Nge vakiko omu valingile, vakiko navachilinga nalelo.

¹⁰⁸ Chize chapwile chiuva cha mushipilitu echi etu tuli nacho jino, kuze chize chiuva chachisemwa chapwilenga. Vakiko vali vakwinjikiza na kapolofweto na Lizu lya kusoneka, uze mukakupolofweta, uze umwe eji kwizanga na Lizu lya kusoneka, na kulingisa Echi kupwa hatoma.

¹⁰⁹ Vakiko vatachikijile Lizu lyapwile kuze, oloze vakiko vahonene kutachikiza omwo Chatwalile. Kaha Mose achilingishile kupwa Hatoma to. Ikiye ambile ngwenyi, “Eji jishimbi jamba ngwavo *Echi*, na *echi* mwomwoika.” Ikiye achilingishile kupwa Hatoma to. Kaha shimbu kanda Echi chipwenga hatoma to, Echi chapwilenga chafwika.

¹¹⁰ Kaha shikaho mukiko chili, na lelo, chakufwika kuli vathu, palanga Echi vanachisolola na kuchilingisa kupwa hatoma to kuli vathu. Kalunga, uze Kalunga waundume, ali fwikile munyama yauthu, eli Lizu. Tachikizenu. Jino etu tunawane nge Chize chapwilenga chakusweka kuli vakakuzeneka kufwelela, oloze vanachisolola kuli vakakufwelela.

¹¹¹ Tachikizenu, Mose engilile muli eyi Panda ya mulangi wa Kakahya, ukawenyi. Naumwe pimbi ayile nenyi. Echi kachapwile...echi...Echi chahanjika ika kuli etu? Nge kawatela kwiza muli Echi na kulinungamo nge lizavu lya Pendekosita. Talenu? Ikiye kasolwelele Echi kulizavuko. Ikiye asolwele Echo kuli muthu hakapanji. Kaha ikiko kaha jila chili lelo. Ove ngwove, “Ngwapandama kuli—kuliuka. Ngwa—Ngwapandama kuli *echi*.” Oloze chize kacheshi kuhasa kuzachiwako. Talenu?

¹¹² Kaha kulikala muthu kweseka kukavangiza ou Mose, kulondezeza echi, chapwile kufwa. Kaha shikaho na lelo, kufwa cha mushipilitu, kweseka kulondezeza. Chikiko chuma kaha . . .

¹¹³ Ufuku uno, etu tuli nakuya nakwingila, kuli kukatuka chavamwe mukachi ka mazavu, kupezelesa cha chisemwa; muthuumwe kweseka kulinga nge Ngana, kaha kuyoya

chiyoyelo chakuhandunuka; nahase kunwa wala, nahase kunwa makanya, pwevo kuyoya kala. . .kakaavulu mukala jila vakiko vanatondo, nge kaye, kaha nakutwama hembo na kutala miwimbimbi ya ha chisanji, kaha na vyuma vya mukaye, kaha hanga valivuluka kupwa va Pendekosita. vakiko vali nakweseka kulifwanyisa kupwa vamwenemwene. Echi kanda lyehi vachisolwele kuli vakiko, jino. Omwo Echi nachikasoloka, nachikapwa chaupahu, kaha chuma chimwe nachikasoloka kufuma muli ove omwo ove mukatambuka nakwingila Muze. Ove mukeze nakupwa chiuva. Echi chili. . . Echi kacheshi kuhasa kuzachiwako. kaha kulifwanyisa Echi chinapu kufwa.

¹¹⁴ Mose alifwikile; ikiye apwilenga Lizu lya kuyoya kuli vathu. Kaha lelo, vase vathu vase vapwile vakuuva vapwile nachuma chochimwe. “Vakiko vapwa mikanda yakusoneka, yakutanga kuli vathu vosena.” Keshi nge mukanda *wawhya* ko; oloze Mukanda uze unapu wakusoneka, unasoloka. Echi chili—echi chili kuli vase vakakufwelela eli Lizu na kushika cha lelo, nge Kalunga ali akuhingununa Shipilitu Yenye, hali vakwechi nyama, kaha echi chinapu mukanda wakusoneka. Kaha omwo muthu eji kwesekanga kulifwanyisa na chisemwa, cheji kuneha ponde. Chiyoyelo chove cheji kukulweka ove uhiya.

¹¹⁵ Lwola lumwe kwapwilenga kanyike walunga, ikiye apwilenga naukalu umwe. Ikiye apwile kanyike walunga wamwaza, oloze ikiye—ikiye ayile zango yakusopesa. Kaha uze chambamilonga ambile ngwenyi, “Ngunakuwane uli na mulonga. Ngwatela kukuzangamisa nakukuhaka mukamenga kakuyoyela muze chiyoyelo chove chosena.”

¹¹⁶ Ikiye ambile ngwenyi, “Ngwatondo kweseka mulonga wami.” Ikiye ambile ngwenyi, “Ngwatondo kuhituluka muunjihho wami.”

¹¹⁷ Ikiye ambile ngwenyi, “Ove kaweshi na unjihoko. Unjihho wove ukiko unakupaisa.”

¹¹⁸ Kaha omu mukiko kaha chili nalelo, mulonga eli liuka linahono kufukila nge omu lyatela. Chinapu unjihho. Chinapu chiyoyelo. Etu twatela kwiza nakupwa vakukunjika. Etu twatela kufwelela kala Lizu lya Kalunga. Etu twatela kutonda eli Lizu nge vanalingisa kupwa lya mwenemwene kuli etu. Talenu? Talenu? Ou unjihho ukiko uli nakutuhonesa kwingila.

¹¹⁹ Oloze, lwola lumwe, (kumwecha kufuma muli ou wina), mu eyi zango yakusopesa yoyimwe, uze kanyike walunga kapwile na mali ko. Ikiye kahashile kufwetako. Mulonga wapwilenga kufweta masauzande yama ndola. Oloze apwile na yayenyi wamunene uze ejile nakumufwetela.

¹²⁰ Jino, etu tukwechi Ndumbwetu wamunene, Yesu, ou Mwana Kalunga. Kaha Ikiye ejile nakutufwetela, kachi etu natuchifwelela echi nakupwa vakulizanga kwingila mulihina na Ikiye. Nge, Ikiye mwapwa Mose yetu. Yesu apwa Mose yetu

lelo. Mose, alifwikile, apwile Lizu lya kuyoya kuli vathu. Lelo, Yesu, alifwikile, apwa Lizu yakuyoya kuli vathu, nge, Yesu ali Muliuka. Ou Shipilitu Wajila, ou Mwana Kalunga muli vathu, kulisolola mu Lizu ha lushiko lwa lelo, kulingisa Echi kupwa vene. Chochimwe jino.

¹²¹ Kaha anuka, Mose alingile echi, kaha asolwele echi, keshi ku kaye kosena ko, oloze kuli vathu vali nakalovoka, kuli muyachi umwe kaha wavathu, vaze vejile nakulovoka mu kulo-. . .mu kulovoka.

¹²² Kaha lelo, ou Shipilitu Wajila, mu meso avathu uze eji kwambanga ngwenyi, “kuka cha Ukalunga kacheshi chakwolokako.” Omwo Ngwapwanga nakuhula. . .

¹²³ Ndotolo angusanyikile yami, likumbi likwavo, mwomwo ya kanyike wapwevo, mamalelo, kunapunga maukalu awana mokomoko atanu kuze, vapwilenga vene ha seteko ya kufwa, mumaola akuya, kaha ou Shipilitu Wajila avahindwile vakiko. Uze ndotolo apwile nakuhulisa echi. Ikiye ambile ngwenyi, “Echi nachipwa ngachilihi? Mwomwoika,” ikiye ngwenyi, “Ngwa—Ngwa. . .Uze apwanga muveji wami.”

¹²⁴ Ngwambile ngwami, “Echi chapwile. Oloze jino chapwanga Kalunga. Echi—echi, echi chili mulimo Wenyi jino.” Talenu?

¹²⁵ Kaha shikaho talenu chuma kana, nge Kalunga ali nakusanyika kulovoka, kwiza kufuminyina kunyima ya lihina lya nyama uze eji kwesekanga, uze eji kwesekanga kulinunga muliuka; keshi Mesondisiti, Mbaputishiti, Pulishiteliyani, hamwe, oloze mauka a Pendekosita. Echi chinapu mulimo wa muthu hakapanji. Echi cha ove na Kalunga. Ove watela kwingila, keshi nge lizavu lyenu, keshi nge liuka lyove, keshi nge kafunga kove, oloze chinapu cha ove watela kwingila.

¹²⁶ Ngwatondo enu kutalisa vilinga vikwavo vya Mose, omwo ikiye alovokele. Ohonyi, hakupwa kapolofweto, kupwa muthu wamunene nge omu apwile, omwo ikiye ejile nakulovoka na Lizu, vaze vathu amwene ikiye kwalumuka. Chumachimwe chasolokele kuli ikiye. Omwo ikiye ejile na Lizu lya kwinjikiza lya ize ola, jize jishimbi, ikiye apwile muthu wakwalumuka.

¹²⁷ Kaha shikaho namuhasa kupwa, omwo namwiza kufuma kunyima ya lihina lize lili nakuseha hali kuliwana chamuyachi ngana; nge muthu nahase kulimbuka ha kuka cha Ukalunga, kaha kuhanjika nge makumbi avikomwesa anahichi lyehi. Ove unaholoka kufuma kunyima ya lihina lyauthu, lihina lya chisemwa, kaha kala muthu mwaya nakutachikiza nge chuma chimwe chasolokanga na ove.

¹²⁸ Nge ndumbwetu walunga wamulemu, Jim Brown. Ngwashingtonyeka vavavulu va Pulishiteliyani vanatachikiza chuamchimwe chasolokele kuli ikiye, mwomwo ikiye—ikiye ejile wakufuminyina kunyima ya lihina lya chisemwa. Ikiye amwene

chumachimwe muli vathu, chize chamulukwishile ikiye, kaha ikiye alovokele kufuma kunyima ya lize lihina.

¹²⁹ Chamwaza, ove, omwo ove mumukeza nakulovoka kufuminyina kunyima ya lihina, ove mukaya nakupwa wakusoloka hatoma to kuli vathu, nge vanahase kumona chuma chimwe chinasoloka kuli ove. Eli Lizu lyakufwika, kuli vakakuzeneka kufwelela, oloze lili hatoma to kuli vakakufwelela. “Yesu Kulishitu youmwe zau, lelo, na hayamyaka.”

¹³⁰ Kahajino, apwile Kalunga. Muli aze makumbi, chapwile Kalunga muli Muthu, Mwa Neyi, Yesu Kulishitu. Etu twafwelela echi. Keshi kapolofweto kaha ko, keshi nge muthu kaha ko, muthu kaha. Apwile Kalunga muli Kulishitu; Kalunga muli Muthu; kuzalilila cha Ukalunga, mujimba wenyi muli Muthu. Kalunga muli Muthu!

¹³¹ Jino apwile Kalunga muli vathu, kuzalilila cha Kalunga mu Ukalunga, mujimba Wenyi wosena Muliuka, kulisolola Lyavene, kuzalisa Lizu Lyenyi.

¹³² Jino etu twawane, Kalunga, muvisemunuino vyosena, apwilenga na chikova Haliikiye. Ikiye, Kalunga, napunga wakusweka mu lihina.

¹³³ Echi chili nakungwanukisa yami hali—hali mujimbu waundende uze wasolokele ku South. Kaha kuze kwapwilenga limbo lya Mukakulishitu. Kaha jino mulimbo lya Mukakulishitu vakiko vafwelelele Kalunga, kaha vakiko—vakiko vashinganyekele nge—nge Kalunga avakingilenga kufuma kumuukalu osena. Kaha, tala, Ikiye omu alingile. Kaha vakiko vapwile na kanyike wamundende Junior, kanyike walunga pamo namyaka seveni mokomoko eyite yakusemuka. Kaha—kaha ikiye ayile ku shikola ya Chalumingo kaha apwile mukweze wambwende. Oloze ikiye apwilenga nawoma wa nyamanganda, chikumanyi nge kuli miveso yapwilenga nakuvesa.

¹³⁴ Kaha Ngwamulwekele uze lunga, likumbi likwavo, omwo chihanda chejile nakufuma kuli ou muthu omwo ahindikile. Ou mukakuzata youmwe ambile ngwenyi, “Vakiko vanakukulingisa ove kupwa kalunga, Ndumbu walunga Branham.”

¹³⁵ Chamwaza, ikiye apwile mukakutoleka, shikaho Ngwashinganyekele nge Nguchifumiseko, chindende kaha. Keshi nge kunyengetesa ko, munatachikiza, oloze kupwa kaha. . . Ngwambile ngwami, “Echi chinafumu chikuma kufuma ku Chisoneka, kupwa ngachize?” Talenu? Ngwambile ngwami, “Nduma, kacheshi ngochoko,” Ngwambile ngwami, “mwomwo Yesu vavalukilenga tupolofweto kupwa ‘Tulunga.’ Talenu? Echi chakwoloka, ‘Kalunga.’”

¹³⁶ Kaha vakiko ngwavo, “Chamwaza, enu vathu mweji kumbata chihela cha Kalunga.” Echi kacheshi kwakusukuko.

Mukiko kaha chili. Mukiko kaha. Kalunga alisolwele mumujimba, chochimwe nge omu Ikiye ashikile.

¹³⁷ Echi chisaka cha chindende, etu twawane. Ngwamulwekele ikiye ou mujimbu waundende, uze weji muwongo wami jino. Nge, ufuku umwe kwejile nyamanganda, kaha naye ahanjikile kuli Junior, ngwenyi, “Jino, kanduka helu, mwanami walunga, kaha yako mukahela.”

Ngwenyi, “Mama, Ngunakwivwa woma,” ikiye ngwenyi.

“Kakweshi chuma nachiya nakukukolesako. Yako kanduka na kuya mukahela.”

¹³⁸ Kanyike Junior asavalile muze, kaha miveso vesu ha janena. Kaha uze kanyike ewwile woma, ikiye ajikile mutwe wenyi muchifwiko, kaha ikiye hanga apwile nakwivwa ize—ize miveso, mokomoko kumona vesu vesu haze ha janena, kaha—kaha ewwile mukalatete kuvuma. Shikaho ikiye ambile ngwenyi, “Mama!”

Kaha naye ambile ngwenyi, “Chuma muka unatondo, Junior?”

Ambile ngwenyi, “Twaya kuno usavale na yami.”

¹³⁹ Shikaho naye akandukile haze handalo, nge omu kala chisemi wapwevo wamwaza, wakushishika. Kaha naye ejile, ambachile uze kanyike Junior mumavoko enyi. Kaha naye ambile ngwenyi, “Junior, noko natondo kuhanjika nove chindende.”

Ambile ngwenyi, “Chosena chakwoloka, mama.”

¹⁴⁰ Ngwenyi, “Jino ove watela kuhaka echi muwongo wove. Etu tweji kuyanga kuliuka, lwola lwosena. Etu tweji kutanga Mbimbiliya. Etu tweji kulomba. Etu twapwa chisaka cha Vakakulishitu. Etu twafwelela muli Kalunga.” Kaha ambile ngwenyi, “Etu twafwelela echi, mu nyamanganda na muvyosena vili nakulingika, Kalunga ikiye musingo.”

¹⁴¹ Ikiye ngwenyi, “Mama, Ngwafwelela chumachimwe chachindende cha chize. Oloze,” ngwenyi, “omwo uze muveso naupandama,” ikiye ambile ngwenyi, “Ngwa—Ngwatondo Kalunga ali na chikova Haliikiye.”

¹⁴² Shikaho, Ngwa—Ngwashinganyeka, keshi Junior kaha ko, oloze etu vosena tuli nakwivwa mujila kana. Omwo etu natupwa hamwe, omwo etu natulilombelela umwe na mukwavo, Kalunga nachikova Hali ikiye.

¹⁴³ Kaha etu tunawane hano nge uze Kalunga apwa lwola lwosena atwama na chikova hali Ikiye. Omwo Mose amumwne Ikiye, Ikiye apwile na chikova hali Ikiye, kusoloka nge Muthu. Omwo Kalunga apwilenga kunyima ya mahina, Ikiye apwilenga na chikova hali Ikiye. Kaha Kalunga, ufukuuno, mu Liuka Lyenyi, ali wakuuva mu Liuka Lyenyi na chikova Hali

ikiye. Ikiye hanga youmwe Kalunga, ufukuuno. Etu twawane ngachize.

¹⁴⁴ Oloze jino, nge omu chapwile, chifwiko chachikova chikiko chili nakukwata visemunuino. Vakiko kavahashile kufwelelako nge nge uze apwile Kalunga ali nakulingisa vathu kulinga ngachize. Talenu? Chili mwomwo Kalunga ali wakulifwika Muliuka Lyenyi, mu chikova, na chikova Hali ikiye. Echi chakwoloka. Ikiye ali wakusweka kufuma kuli vakakuzeneka kufwelele, na kulisolola kuli vakakuzeneka kufwelela. Eyo, mwane.

¹⁴⁵ Jino, nge chisemwa chavo chinavafwika, visemwa vyavo vya kulwane na eli Lizu, linahichi, mamalelo, mukikovene, lelo, kahajino hinakwiza kusoloka hatoma to, etu natumumona Ikiye, Ukalunga cheka kufikiwa muuthu wanyama. Hepeleu 1 ahanjika ngocho.

¹⁴⁶ Kaha nawa mu Kuputuka 18. Enu anukenu, Kalunga apwilenga Muthu, kwimana haze, kulya, na kuhanjika na Apalahama, nakumulweka chuma muka Sala mwakaya nakulinga muze mumbalaka kunyima Yacho.

¹⁴⁷ Kaha Yesu ambile ngwenyi, “Nge muze chapwile mumakumbi a Satome, mukiko nachikapwa na ha Kwiza cha Mwana muthu.” Ukalunga kulifwika cheka muuthu wa nyama! Jino, anuka, Yesu kahanjikile ngwenyi, “Omwo Mwana Kalunga navakamusolola.” Mu Luka kapetulu 17, Ngwafwelela, kaha pamo vasi 20, 21, kumwe kuya lika, Ikiye ambile ngwenyi, “Kaha omwo Mwana muthu vali nakumusolola.” Uze Mwana muthu, kunyima mu—mu—mu Liuka cheka, kulisolola mumujimba wauthu; keshi Mwana Kalunga, oloze Mwana muthu cheka, kunyima mu Liuka Lyenyi cheka, mumakumbi akumakumishilo. Etu tunawane nge Ikiye ashikile echi mu jishiko ja Kalunga.

¹⁴⁸ Etu tunamono chuma chikwavo, mu Kushika Chamwaka. Nguli na Chisoneka hano, mu Kulovoka. Chize, chize chikova chamwaka cha chipupi, chalingile chuma muka? Chikiko chaswekele Upahu wa Kalunga kufuma kuli vathu. Chize chikova cha chipupi; numbathuhu vathu kavahashile Kuchimonako, mwomwo chapwilenga chikova chikiko chaswekele Chize. Chize chikova chapwilenga . . . Uze Upahu wa Kalunga wapwilenga munyima yachize chikova.

¹⁴⁹ Kaha jino Upahu wa Kalunga uli munyima ya chikova. Echi chakwoloka. Kaha vize visemwa kavyahashile kumona Echiko. Shina mukachi ka chikova, mukiko mwapwilenga Lizu Lyenyi.

¹⁵⁰ Chuma muka chapwilenga mukachi kachize chikova, chize chikova chamwaka cha chipupi?

¹⁵¹ Chize, “Kuze kakwapwile numba kuwaha etu twatela kufwila Echiko. Kaha omwo Chize vachilingishile kupwa musonyi na kutwama mukachi ketu, Echi chapwilenga chakuhona kuwaha etu twatela kuchifwila Chize.”

152 Kaha jino chuma chochimwe chiliko na lelo. Kakwechi chuma chimwe muli muthu mokomoko pwevo, chize vanahase kufwila. Echi chili kunyima ya chize. Chikiko chuma kaha. “Chamwaza,” enu ngwenu, “uze mukweze, Ngunatachikiza ikiye apwilenga chitakwa. Ikiye apwile na kulinga *echi*.” Kangwalizakaminako chumamuka ikiye ocho atela kulinga. Chuma muka chili kunyima ya chize chikova? Chuma muka chili kunyima kuze, chikiko chinakutondeka. Chize chikiko, vathu vanaupuputa. Chize chikova chili nakufwika vathu. Talenu? Vakiko ngwavo, “Ngunanuka omwo uze pwevo apwilenga nakulinga.” Ngunatachikiza chuma muka ikiye apwilenga nakulinga, oloze ngachilihi jino? Talenu?

153 Vize vikova, vize vyapwilenga hali chipupi, oloze jino vili nakusweka Upahu wa Kalunga, va Nauhake muzuvo kunyima ya echi. Chapwile hali kanyama, oloze jino chili nakutulika Upahu wa Kalunga.

154 Kaha shikaho kutala chikova chove chinahase kwalumuka, ufuku uno, kuchilingisa kupwa zuvo ya Kalunga, Kalunga kutwama muuthu.

155 Tala. Chize chikova cha chipupi chamwaka, etu tunawane, kunyima yacho. . . Mukachi ya lize Lizu. Kaha, eli Lizu, kuze kwapwilenga na mbolo. Chize chikasha vachisapwilile. Kaha chuma muka echi? Uze Upahu wa Shikina wapwilenga muze.

156 Jino, eli Lizu linapu Mbutu, kaha Kalyechi kuhasa kuneha palanga Ikiye-. . . uze Mwana nachitavila Chize. Uze Mwana atela kupwa ha Mbutu, kuyilingisa Ikiko kwima, kulingisa Ikiko kukula. Kaha ikiko jila kaha. Ove mbata eli Lizu, talenu, mbatenu eli Lizu lya Kalunga mumuchima wove, na kutambuka mu Upahu wa Shikina. Kaha omwo ove walingile, Nachiya nakuneha mbolo, Mana, eyi ikiko kaha jila yakuhandununa vathu. Chuma chimwe kaha chize chinahase kulya chize, vanetavila kulya, chili kaha vathu vetavile chize kaha vanatachikiza Chize. Paulu ambile ngwenyi hano, “Kwalumuka kufuma mu Upahu na kuya mu Upahu.” Enu mwamono, makumishilo, Echi chili nakwiza palanga Chili na kukinduluka Ku Upahu watete.

157 Echi chili kaha nge mbutu ya upahu wa chimene. Ize mbutu yatemo, yeji kuholokela mu mavu. Ize mbutu ya tiliku kuholokela mu mavu. Chuma muka chatete? Nayiza nakulovoka, kaha nayilovoka. Kahajino nayiya kusangu. Kahajino, kufuma kusangu, kukinduluka ku linona.

158 Chamwaza, chize chikiko Liuka linalingi. Lineza kufuma mu Luther, Wesley, kaha jino kukinduluka cheka Kulinona, kukinduluka ku Upahu Wacho, kukinduluka ku Upahu Wacho wapwilenga kukuputuka. Uze Mwana asangukile Kumututuko, ali yomwe Mwana uze alinakusolola chuma choachimwe Kumulauko, kwalumuka kufuma mu Upahu na kuya ku Upahu.

Chize chalumukile kufuma ku pagan, mbwe naku Luther; kaha kufuma ku Luther, mbwe na ku Wesley; kufuma kuli Wesley, kulovoka kuya naku Pendekosita; kaha lika na lika, kulumuka kufuma mu Upahu na kuya mu Upahu, kuneha Mana ya kusweka.

¹⁵⁹ Kaha jino Nayihya, na kuneha Ikiye cheka nge Ikiye kuze kukuputuka, mulimo Wenyi woumwe; uze Yesu youmwe, jize ngolo jojimwe, uze Shipilitu Wajila youmwe. Uze Umwe youmwe ejile hano hamavu ha Likumbi lya Pendekosita, ali youmwe Shipilitu Wajila uze alisololanga na lelo, kufuma mu Upahu na kuya mu Upahu, na kuy mu Upahu. Kaha yinakinduluka ku Mbutu Yacho cheka, na lujimiko lwa Shipilitu Wajila; na vinjikizo vyovimwe, vikomwesa vyovimwe, na lujimiko lwolumwe; vathu vovamwe, kuzata mwomumwe, na ngolo jojimwe, kwivwa chochimwe. Echi chili kufuma mu Upahu na kuya mu Upahu. Kaha chinashishiho nachipwa, “Kwalumuka kufuma muli ou Upahu, nakwingila mu mujimba nge mujimba Wenyi Ivane wa upahu, kuze etu natukamumona Ikiye.” Apalahama amwene chochimwe.

¹⁶⁰ Jino tachikizenu. Etu twamono omu echi chalumukile. Kufuma mu Kavali, etu vanatusanyika kulipangila Upahu Wenyi. Jino, mu Koline Watete 12, “Etu vanatujimika mu Mujimba Wenyi. Ha Shipilitu yimwe etu vosena vanatujimikila.” Keshi na umwe “meya.” “Umwe Shipilitu, etu vosena vanatujimikila.” Echi chakwoloka, jino, kaha jino etu twejile nakupwa chihanda Chenyi.

¹⁶¹ Ngunafwelela Kangweshi nakumishimbwisako. [Chikungulwilo ngwacho, “Nduma.”—Muka.] Talenu? Ngunatalilila Kangweshi ngochoko.

¹⁶² Oloze, echi chili kaha nge njimba yayinene ili nakwimba, mokomoko kuhema chisela.

¹⁶³ Ngunahono kutachikiza chikuma hali eyi njimba na chisela. Oloze Ngwapwilenga nakutala echi kuhema... Ngwapwile nakuhanjika hali *Carmen*, omwo mwanami wapwevo navakwavo vapwilenga muze. Kaha vakiko—kaha vakiko vapwilenga nakuhema mu eli njimba, mu *Carmen*. Vakiko vapwilenga kulisololanga. Ize myaso yapwilenga—yapwilenga—yapwilenga nakusoloka mwomumwe.

¹⁶⁴ Omu mukiko mujila yatwama nge enu muli vakujimika muli Shipilitu Wajila, muli Kulishitu.

¹⁶⁵ Jino, talenu, enu vavavulu mwatanga mokomoko kwivwa mujimbu wauze ngomba wamunene wamu Russia uze afwatwile *Peter And The Wolf*. Kaha omwo ikiye, vakiko valisolwele muze na vindamba na vyuma vyosena. Kaha kalamuthu atachikiza uze mujimbu, wakatanga hali papilo, kaha nahase kwivwa njimba, omu uli nakulisolola muze, na chisela, nakuhema, Mwomwoika,

vakiko vanatachikiza kwalumuka chosena. Vakiko vahashile kutala *hano*, kaha talenu chize kwalumuka.

¹⁶⁶ Oloze, jino, chuma muka chasolokele kachi uze—kachi uze ngomba mwasoneka chumachimwe, kaha etu tunawane nge kachapwile kaha kulisolola ko? Etu tunawane nge kuze kuli chumachimwe chize chasolokele. Kuze kuli chumachimwe chihono, omwo etu natumona vakiko. Ikiye uze aufwatwile nakuutunga na kuusoneka, kaha jino ize jimba yapwile nakuhema, nakuveta ha mbutawu yeka. Kuli chumachimwe chakuhenga. Uze mukulwane ahanyine kwijivisa cha kuhenga. Talenu?

¹⁶⁷ Kaha ou ukiko ukalu na lelo, vandumbwami va Luteleni, vandumbwami va Mbaputishiti, vandumbwami va Pendekosita. Va ndumbwami vosena kufuma kuvikungulwilo vya kuhandunuka handunuka, mukiko chapwile. Talenu? Enu muli nakweseka kuhana kwiiivisa chize chili nakuhilwisa kunyima ku makumbi a Luther, Wesley, na ngachize, omwo ikiye, vene, lize Livaya Iya myaso hano lilinakusolwesa nge walikumbi likwavo. Talenu? Talenu? Talenu? Etu katweshi kuhasa kuyoyela mu kumunyika cha Luther; ikiye apwile mukakutungulula. Etu twasakwilila chihanda chenyi—chenyi, oloze etu twahemene chize. Etu tuli kulutwe *hano* kunyima ya Mukanda jino. Talenu? Etu katweshi kuhasa—etu katweshi kuhasa kuhema Echi nge ngachizeko.

¹⁶⁸ Jino, jila kaha ove uli nakuya nakupwa watela kulinga echi, vandumbwami, shina echi. Kaha vandumbu va mukaye, vavihanda vya kuhandunuka muno mukaye, Ngunahase kuhanjika ngwami, kuli kaha jila imwe mangana—mangana uze fumbelo azate. Ikiye atela kumbata Shipilitu youmwe ize Ngomba apwile mo, kaha jino Namupwanacho. Kaha omwo Liuka, eyi Njimba Ivene, eli kaye kali nakutalaho kumona vinjikizo na vikomwesa; omwo Liuka, kaha Ngomba, kaha fumbelo, vosena navangila mu Shipilitu ya Ngomba.

¹⁶⁹ Kahajino omwo vakiko navamba ngwavo, “Makumbi avikomwesa anahichi,” kacheshi kuveta ha mbutau iveneko.

¹⁷⁰ Oloze omwo nayiheta mukuhita Muvene, kaha Shipilitu ya kwaoloka ya Echi; omwo nauya nakulinga echi palanga ize Shipilitu naiza nakusuluka, yauze Ngomba? Amena. Kahajino omwo enu namuhanjika, “Makumbi avikomwesa kanda lyehi ahite,” ize Njimba naimbata chize, “Amena!” Omwo etu natuveta, nakuhanjika ngwetu, “Yesu Kulishitu ikiye youmwe zau, lelo, na hayamyaka,” ize Njimba naihanjika, “Amena!” “Enu namukatambula ngolo hanyima ya Shipilitu Wajila hakwiza hali enu.” Ize Njimba kuhanjika, “Amena! Nguli Nacho!” Kakweshi numba kujinuoka hali echiko. Eyi Njimba yosena ili muchivwasano na Lizu. Echi chili nakuya. . . [Ndumbu walunga Branham kuveta minwe yenyi kapapa katatu—Muka.]

Mukiko kaha. Mamalelo! Echi chinapu chuma chachinene. Uze fumbelo na Ngomba vatela kupwa mu Shipilitu yoimwe. Kaha mukiko atela kupwa makakwimba kupwa mu Shipilitu yoimwe, kuzata Echi kanawa. Kaha kaye kali nakulikomokela omwo chili nakulinga.

¹⁷¹ Va communism vakiko veji kuhanjika hali echi, na kungulingisa yami kuviza, kaha kuli wana chosena echi na vyuma vyosena, na chihandwa. Mamalelo, keke! Vyuma kana, vyosena evi vyakuhona mangana, omwo Kwiza cha Mwata chinahete, kaha kuli chuma chimwe chili nakuveta mwakuhenga. Nguli nawoma nge fumbelo ali...Vaze va fumbelo vafumine mu Shipilitu ya Ngomba.

¹⁷² Omwo etu natupwa na Shipilitu ya Ngomba, ngolo jivene ja Kalunga jize Mbimbiliya yahanjikile, “Malunga vakushikulu vavazachilenga kuli Shipilitu Wajila kusoneka eyi Mbimbiliya,” namuya na kumona vize vihanda vivali vya va Chinese vya lipapilo naviya nakwiza hamwe, nge omu Mbimbiliya ya Kalunga na vakakufwelela kuya nakwiza hamwe, mwomwo vakiko vali vosena mu Shipilitu yoyimwe. Vakiko vali vosena chuma chimwe. Vakiko vali nakwendela hamwe. Chuma etu tunatondo lelo shina vafumbelo, echi chakwoloka, kukinduluka ku Lizu, kukinduluka na kufwelela Echi nge muze vene Chahanjika. Kahajino enu munamono Kalunga, Lyavene. Uze ali nakulifukununa. Chisela chiliho chili chamwenemwene.

¹⁷³ Lelo, vakiko ngwavo, “Chamwaza, Ikiye apwa Kalunga wakushikulu. Etu tunatachikiza Ikiye azaukile Kalungalwiji Uchila. Ikiye alingile *echi*. Kaha Ikiye apwilenga muze—muze mulutengo, na vana va Hepeleu.” Kuwaha muka cha ou Kalunga wa kushikulu, keshi ngochoko, kachi Ikiye mwahona kupwa yoimwe na lelo? Muthu lwola lwosena eji kutohwesa Kalunga hali chize Ikiye alingile, na kushinganyeka chuma muka Ikiye makaya nakulinga, kaha kuvulyama chuma Ikiye ali nakulinga. Echi chikiko chili muli muthu kulinga ngachize. Kaha chinapu chuma chochimwe na lelo, vandumbwami. Echi chinapu chuma chochimwe. Mamaah, yami!

¹⁷⁴ Echa tukindulukenu kunyima na kulingisa Njimba kwimba kanawa, chize nachilingisa va kakaye kumona. Yesu ngwenyi, “Kachi Nanguzezula kufuma hano hamavu, Nanguya nakulikokela vathu kuli Yami.” Kaha, “Ikiye youumwe zau, lelo, nahayamyaka.”

¹⁷⁵ Echa va fumbelo vengile mu Shipilitu yakwoloka, na vakakwimba na va Ngomba, vyuma vyosena naviya na kupwa vyakwoloka. Kahajino etu tuli, chakuzeneka kuzata hali echi, etu tuli vakutachikiza na Ikiye jino. Hepeleu 13:8 ngwenyi, “Ikiye youmwe zau, lelo, na haya myaka.”

¹⁷⁶ Etu tuli vakutachikiza hamwe na Ikiye mu Vilinga 2. Etu tuli vakutachikiza hamwe na vakiko, na lujimiko lwolumwe,

na chuma chochimwe. Vyosena Ikiye apwilenga jino na vyosena Ikiye ali, vyosena Ikiye apwilenga kaha na vyosena Ikiye ali, etu tuli. Echi chili vene chakwoloka.

¹⁷⁷ Chochimwe nge Nguli nakutonda kupwa ka America wamuchano, Ngukwechi kupwa wakutachikiza na vyuma vyosena ikiye apwile, vyuma vyosena ikiye ali. Ngukwechi kutachikijiwana echi, kachi Yami nguka America wamuchano.

¹⁷⁸ Kachi Yami nguka America wamuchano, kahajino Ngwatulile ku Plymouth Rock. Amena. Kangwa, kachi Nguli ka America. Shikaho naenu nawa; enu mwaholokelele mu Plymouth Rock na vakakuluka jenu vakuzuzumana. Ha Plymouth Rock, omwo vakiko vahetele haze, Ngwapwilenga navo; chochimwe na ove, kalamuthu.

¹⁷⁹ Ngwendele na Paulu Revere, kuze vene mujila, kuhuhumuna ikiye hali ize ponde. Echi chakwoloka vene.

¹⁸⁰ Kuze vene hano ha Chana cha Forge, Ngwazaukile icy Delaware, na lizavu lya maswalale vase, chimbwa chavo, kavapwile na jisapato ko. Ngwalombele ufuku wosena na George Washington, shimbu kanda. Ngwazaukile Delaware na chimweno mu muchima wami. Etu twapwa va America. Eyo, mwane. Ha Chana cha Forge, Pundu vene mukiko ngwalingile.

¹⁸¹ Ngwahilukile nakusakwilila na Kusakwilila chivene cha vakakuluka jetu. Ngwakindulukila na kusakwilila Kalunga. Kachi Nguli ka America ivene, Ngwalisolwele haze hamesa.

¹⁸² Kachi Nguli ka America ivene, Ngwapwilenga wakusolokele hamwe navo omwo Ngwemanyine na Stonewall Jackson.

¹⁸³ Kachi Nguli ka America ivene, Ngwapwile wakusoloka hamawe na Boston Tea Party, eyo, mwane, omwo etu twakanyine kupwa na vyuma vyakukoka ha meso etu. Chamwaza, Nguli ka America ivene. Ngwapwilenga wakulisolola na chize. Eyo, mwane. Mamaah, yami!

¹⁸⁴ Ngwamutuminyine shinga ku Liberty Bell, chatete ha 4 Kukuhu, mu 1776. Ngwamutuminyine shinga mu Liberty Bell hano na kuvilika lipande. Kupwa ka America ivene, Ngwatela kulinga ngocho.

¹⁸⁵ Ngwapwile wakusoloka hamwe na sonyi navaze Vakakutungulula, omwo vandumbu vamaalunga vazungile. Ngwatela kwitavila sonyi, yoyimwe nge omu Ngwatela kwitavila upahu wenyi. Kachi Nguli ka America, Ngwatela kupwa ngocho. Ngwapwile wakusoloka hamwe na ikiye. Eyo, mwane.

¹⁸⁶ Ngwapwile wakusoloka hamwe na Gettysburg kuze, omwo Lincoln ahanjikile. Eyo, mwane.

¹⁸⁷ Ngwapwile ha Wake Island, hali vase maswalale va mijimba ya manyinga. Ngwasangukile ha Wake Island.

Ha Guam, Ngwakafwile kuyiyisa ize ndembele.

¹⁸⁸ Nguli ka America Ivene. Amena. Mwosena omwo ali, Nguli, kaha wakuwahilila hali chize. Eyo, mukiko. Vosena va America vanapunga, mwosena apwa, Yami hanga ngwapwa, kupwa ka America. Vyuma vyosena mukiko apwile, Ngwatela kupwa, mwomwo Ngwapwa wakusoloka hamwe na ikiye.

¹⁸⁹ Chuma chochimwe, jakupwa Mukakulishitu wa muchano, ove watela kulisolola hamwe na echi.

¹⁹⁰ Ngwanangwile hamwe na Mose, kaha na- . . . mokomoko na Nowa, kaha kuhuhumuna vathu ha kwiza cha chize kusopesa; kupwa Mukakulishitu wamwenemwne.

¹⁹¹ Ngwapwile hamwe na Mose kuze kuchiputa chakuwema. Ngwamwene ize Panda ya mulangi wa Kakahya. Ngwamwene Upahu Wenyi. Ngwapwile na Mose muze mupambo, mangana kupwa Mukakulishitu. Ngwatela kulisolola hamwe na vyuma vyosena vya Kalunga, kupwa Mukakulishitu. Ngwamwene Upahu Wenyi. Ngwevwile Lizu Lyenyi. Kanda kweseka kulumununa echi kuchifumisa kuli yami, mwomwo Ngwapwilenga kuze. Ngunatachikiza chuma muka Nguli nakuhanjikaho. Ngwamwene chuma muka chasolokele. Eyo, mwane.

¹⁹² Ngwapwile ku Kalungalwiji Uchila, omwo Ngwamwene Shipilitu ya Kalunga kutambuka nakwiza na kuhandununa meya kufuma kusali imwe; keshi kuhita mumikuta ya mahongo ko, nge vali nakweseka kuhanjika lelo, oloze kuhita mwakukunama pamo chikupu. Ngwamwene ize Shipilitu ya Kalunga. Ngwatambukkile na Mose kuhita muze mumavu aumu, kuzauka Kalungalwiji Uchila.

¹⁹³ Ngwemanyine ha Pili ya Shinayi na kumona mukalateta na miveso kuholoka. Ngwalile Mana na vakiko muze. Ngwanuine kufuma ku Lilolwa. Nguchili nakuchilinga na ufuku uno. Ngwalisolwele hamwe na vakakulya Mana. Ngwalisolwele hamwe na vakiko vaze vanuine kufuma ku Lilolwa.

¹⁹⁴ Ngwalisolwele hamwe na haze omwo Yoshiwa embile ndolombita, kaha jimbango ja Yeliko ja holokele hamavu.

Ngwapwilenga muze muvandumba na Ndanye.

Ngwapwilenga na muze mulutengo na vana va Hepeleu.

Ngwapwile mu Pili . . . na Eliya ha Pili ya Kamele.

¹⁹⁵ Ngwapwilenga hamwe na Yowano uze Mukakujimika, na kumeso avakutoleka. Ngwemwene Shipilitu ya Kalunga kusuluka. Ngwevwile Lizu lya Kalunga kuhanjika ngwenyi, "Ou ikiye Mwa Nami Muli Ikiye mukiko ngwevwila kuwaha kutwama." Eyo, mwane. Ngwalisolwele punduvene na ikiye. Echi chilivene chakwoloka.

¹⁹⁶ Ngwalisolwele hamwe kuze kulifuka lya Lazalu, omwo Ikiye amusangwile Lazalu. Ngwalisolwele, nauze pwevo ha lishima, omwo Ikiye amulwekele ikiye ikiye shili jenyi. Eyo, mwane.

¹⁹⁷ Ngwalisolwele punduvene na Ikiye mu Kufwa chenyi. Kaha Ngwalisolwele hamwe ha Paseka yatete. Ngwasangukile hamwe na Ikiye kufuma mukufwa. Nguli wakulisolola hamwe na Ikiye mu kufwa Chenyi.

¹⁹⁸ Ngwapwilenga na ize handulendi na twende, muze mukapete kahelu. Ngwalisolwele helu haze na vakiko. Haa! Nguli—Ngulina kwivwa nge kulifukula. Mamalelo, yami! Ngwalisolwele muze. Nguli umwe wavo. Ngwalisolwele. Ngukwechi kutachikiza vakiko vapwilenga nacho. Ngwapwilenga muze omwo chasolokele, hakuya na kupwa Mukakulishitu. Ngwamwene kuhuhwa cha peho yayinene kwiza. Ngwamwene chize. Ngwevwile ngolo ja Kalunga omwo Janyikishile. Ngwapwile hamwe navakiko vaze vahanjikile mumalimi. Ngwevwile kuwavisa kwiza muze. Ngwapwile navakiko. Ngwalisolwele hamwe navakiko omwo Shipilitu Wajila aputukile kuhanjika mumalimi, na vakiko.

¹⁹⁹ Ngwapwile na Petulu, shimbu kanda kutoleka mu Vilinga 2, omwo ikiye anangwile chize kunangula chachinene chize ikiye alingile. Ngwalisolwele hamwe navakiko. Eyo, mwane.

²⁰⁰ Mu Vilinga 4, omwo vakiko valikungulwile hamwe, Ngwapwile na vakiko omwo ize zuvo yalinyikile. Hanyima ya kuliwana chamalombo, ize zuvo yalinyikile muze vakiko vatwamine. Ngwalisolwele navakiko.

Ngwanangwile hamwe na Paulu ha Pili ya Mars. Eyo mwane.

²⁰¹ Ngwapwile hamwe na Yowano haze hapili ya Patamu, kaha ngwamwene Kwiza Chinyi.

Ngwapwilenga hamwe na Luther mukutungulula.

²⁰² Ngwapwilenga hamwe na Wesely, kakahya kakukwata; kufumisa mukakahya, omwo kufumbukila chachinene cha liuka lya Anglican. Ngwapwilenga kuze na ikiye.

²⁰³ Kaha Yami uno ufukuuno, 1964, mu Philadelphia, Pennsylvania, kulisolola hamwe na lizavu kana, na kutachikiza kana. Ngwatela kupwa, kupwa Mukakulishitu. Ngwatela kutwama wakulisolola na lize Lizu lya Kalunga kupwa lyakusoloka. Nguli wakulisolola na lizavu lize lili nakwivwa Shipilitu ya Kalunga.

²⁰⁴ Nguli wakulisolola hamwe na lizavu lize linatachikiza Ikiye apwa wakufukunuka, vaze vanatachikiza Ikiye apwa youmwe zau, lelo, na hayamyaka, vaze vanatachikiza chize Echi kachapwile kuhemako. “Napu Yesu Kulishitu youmwe zau, lelo, na hayamyaka.” Nguli wakulisolola hamwe na lize lizavu hano, ufukuuno. Oloze, vakiko valisanyika kupwa lizavu lya vaze vavuluka kupwa uleya, oloze lizavu lya vakakuhema, mwomwo ya Lizu lya Kalunga. Oloze, “Kangweshi na sonyiko ya Mujimbu wa Yesu Kulishitu, mwomwo Unapu ngolo ja Kalunga jakuneha ulwilo,” kaha Yami umwe. Nguli naize mikanda

yakusoneka yakuyoya Ngwahanjikileho, kwinjikiza, Kalunga kulifwika muchifwanyisa chauthu, muma lunga na mapwevo. Mamalelo!

205 Kalunga ali Mwenyi mu *enmorphe* cheka, kulifukununa Lyavene na kulilingisa Lyavene kumutachikiza kuli vathu Jenyi. Uze Mwangana wamunene Uze atulikile kusali Upahu Wenyi. “Shimbu yayindende kaye kakashi Kangumonako cheka. Nangukapwa wakufwikiwa kufuma kuli vakiko. Oloze enu namukaya Nakungumona, mwomwo Nangukaya nakupwa na enu, na muli enu, mbwe nakusongosongo ya myaka, kwalumuka kufuma muli Luther na kuya kuli Wesley, lika na lika, kufuma mu Upahu nakuya mu Upahu. Ngwapwa Kalunga youmwe uze ayoyele, kaha kukinduluka ku Upahu watete.” Haleluya!

206 Ikiye ahokwele kala lihina lya chikungulwilo, kala chivumino cha mungowa. Chize chivumino chahanjikile, “Mamalelo, echi chinapu uleya,” Ikiye ahokwele nakuhita chize. Chize chivumino chalovokele muze, chahanjikile, “Mamalelo, vakiko vathu vapwilenga va kuzaluka,” Ikiye ahokwele na kuhita mulize lihina. Eyo, Ikiye alingile. “Mamalelo, enu kamweshi kuhasa kulinga echiko. Enu kamweshi chumako oloze lizavu lya vakauleya.” Ikiye ahokwele muze vene nakuhita. “Nduma chuma kana chakufwana nge kuka cha Ukalunga.” Ikiye ahokwele nakuhita muze, mamaah, yami, mwomwo Lizu Lyenyi lyahanjikile nge Ikiye mwakaya nakulinga. Enu kamweshi kuhasa kufungulula Lizu lya Kalunga ko.

207 Kaha haze Ikiye emanyine, oloze, ufuku uno, chindume Mukakufungulula, kufuma haze Ikiye ahokwele Mesondisiti, Mbaputishiti, Pulishitelyani, nakala muyachi wa lihina. Ikiye hanga emana mukachi ka vathu Jenyi, ufuku uno, wakuzeneka kufungulula na visemwa. Echa vathu vahanjike vyosena vanatondo kuhanjika, kulinga vyosena vakiko vanatondo, kalachuma vakiko vanatondo. Kalunga mweza, kuhokola nakuhita chize chakuhonesa kuvuma.

208 Kaha anukenu, vakiko vangulwekele, omwo ndeke yeji kuhokolanga chize chakuhonesa kuvuma, kuze kakwapwile hakumina kulahako.

209 Nguli nakumilweka, omwo enu namuhokola chakuhonesa kuvuma cha chisemwa, chize “Yesu ikiye jila yakukindulukila, kaha Ikiye keshi jinoko,” omwo enu namuwana nge Ikiye apwa youmwe zau, lelo na hayamyaka, kakweshi makumishilo kuchuma Kalunga nahase kulingako muno vene mukukunguluka, kaha nakulweka kaye chuma muka vakiko vanatondo: keshi chiseke cha kaye ko, oloze kuhizumuka cha kaye chize nachiya nakupwa cha kujimika na Kupwa cha Kalunga wakuyoya, *en morphe* kulifwika Lyavene mumujimba wa nyama. Haleluya! Ngwafwelela echi.

²¹⁰ Kuhokola kala chakuhonesa, kala lihina, kala lihina! Kakweshi chuma nachisweka Kupwa Chenyi ko. Omwo vathu nawevwa zala mumichima yavo, kuli lihina lyakulizanga lyehi kuhokoka. Enu munahase kukundamina hali chize. Kupula kala lihina, na Shipilitu Wajila Wenyi wamunene!

²¹¹ Kaha hano Ikiye kwimana, ufuku uno, chindume Mukakufungulula, youmwe zau, lelo na hayamyaka; kuka vaveji, kujimika vakakufwelela, chochimwe nge Ikiye lwola lwosena eji kulinganga. Ikiye apwa chindume Mukakufungulula. Vandemone vakuhomba vali nakuchina. Eyo, mwane. Vakiko vali, omwo Ikiye alinakujinguluka.

²¹² Mukusoka, Ngunahase kuhanjika echi. Kwapwile... Mujimbu wakitanga, myaka yayivulu kunyima okwo, hali mukakwimba kangita kakandende. Ikiye apwilenga na kaze kangita kwamwaka kaha vakiko vayilenga nakukalanjisa. Enu mwevwa lyehi uze mujimbu, lwola lwaluvulu. Kaha vakiko vatondele kukalanjisa na chuma chimwe. Kaha uze mukakulanda ngwenyi, “Hiya mwanguhana *munganji mukananga?*” Ngwafwelela ikiye apwile nakukalanda na mangwee amandende, pamo fifite ngwee, mokomoko chumachimwe. “Kuyamo kamwe, kuyamo kavali, . . .”

²¹³ Hazevene, muthu akatukile kunyima. Ikiye ambile ngwenyi, “Munyutu kaha.” Kaha ikiye atambukile nakuya nakukatambula. Echa tushinganyeke nge ikiye embishile kaze:

Kuli Kaselwoke wakuzala na Manyinga,
Akufuma mumishisa ya Emanuwele;
Kaha vakashili veji kujiminyina mwishi ya
livaji lyacho,
Hikujimbalisa mapenga ajishili javo josena.

²¹⁴ Kahajino omwo ikiye asavalile hamavu, kakwapwile meso apwile aumuko muli chize chihela. Kahajino ikiye ambile ngwenyi, “Hiya mwalanda?”

²¹⁵ Umwe ambile ngwenyi, “Faifi sauzande.” “Teni sauzande.” Kapwile kakuzeneka mutengo. Mwomwoika? Uze—uze mukulwane wa kaze kangita kakandende nasokolola muyachi wacho.

²¹⁶ Mamalelo, ndumbu walunga, ndumbu wapwevo, jino echa Mukulwane wa eli Lizu, Ou asonekele Echi, uze Shipilitu Wajila, kufumisa manana Eyi na zangi, nakuukoka nakuuhichisa ha muchima wove.

Kuli Kaselwoke wakuzala na Manyinga,
Akufuma mumishisa ya Emanuwele.

²¹⁷ Enu namuya nakumona kulema chakuzala, kaha kumona Kalunga wakulifukununa kwiza hatoma. Chize, Ikiye ali kaha youmwe nge omu Ikiye apwile omwo Ikiye aholokele ha Likumbi

lya Pendekosita, hali vathu, omwo Ikiye *kenos'* Lyavene, "kulihingununa" Muze Vene. Echi chakwoloka.

218 Enu namuhanjika ngwenu, "Ndumbu walunga Branham, Nguneseka. Nguneseka. Ngunalingi *echi*, na *chize*, na *chikwavo*."

219 Likumbi limwe Ngwapwilenga na kuliwana ku Carlsbad, New Mexico. Kaha etu twayile kuze muli chize chiwina chachinene chamwaka muze. kaha wasolokele nge mulimba, kaha etu twengilile muze. Kaha uze—uze muthu, omwo ikiye engile muze muchihela kana, ikiye—ikiye ajimine malayiti. Kaha, mamaah, yami, munahase kushinganyeka oyo mulima kana. Chapwile. . .Mwapwile milima kuheta nahaseto yakuwivwa.

220 Kaha omu mukiko kaha mujila lwola lwosena tuli nakulinga, omwo etu tuli nakumona eli liuka lili nakuhona kutachikiza Lizu lya Kalunga; omwo enu namumona vana vetu vamu Ziyone kulinga mujila vakiko vali nakulinga; omwo enu namumona vandumbu vamalunga kunwa makanya na kunwa wala, kaha—kaha nakuhanjika usese wamajilo na vyuma, kaha hanga kweseka kukwachilila kukulivuluka kupwa muli Kulishitu. Mamaah, yami, chili milima. Uli wina wapwii.

221 Etu tuli nakumona chinjikizo cha Kwiza Chenyi. Kuli nakuya nakupwa. . .Echi chili lwola lwosena milima kuhambakana likumbi lyakunyima. Kahajino Tanganyika wa Chimene kwiza nakulovoka nakumeneka likumbi, kaha nakulivilika, kaha nakwambulula kwiza chalyo. Tachikizenu.

222 Muze, nge navajima malayiti, muli kanyike wapwevo atetele helu lya lizu lyenyi. Muze mwapwilenga kanyike walunga kwimana kwakamwihi na twamina, kaha ikiye amwene uze twamina omwo ikiye ajimine aze malayiti nge ngana. Kaha uze kanyike wapwevo apwilenga wamwihi. Ikiye apwilenga nakutetumuka, kutumbwojoka helu na hamavu. "Mamalelo! Chuma muka nachiya nakusoloka? Ukalu uli halihi? Ukalu uli halihi?"

223 Munatachikiza omwo ikiye atetele? Ikiye ambile ngwenyi, "Kanda kwivwa womako, ndumbu wapwevo wamundende. Kuli muthu muno nahase kumunyika malayiti."

224 Ivwililenu, ndumbu wapwevo wamundende, ove unahase kushinganyeka nge vavandende kaha chekele. Oloze, kanda kwivwa womako. Kuli Muthu hano Uze nahase kumunyika Malayiti. Ou ikiye Shipilitu Wajila. Enu mwafwelela echi? [Chikungulwilo ngwacho, "Amena."—Muka.]

225 Echa etu tunongamenu mitwe yetu chindende. Ngukonekelenu hakumishimbwisa.

226 Ove Kalunga wamunene wa Mwilu, kulifukununa chove Ovelyavene, kulivungununa Ovelyavene, kulilingisa Ovelyavene

kukutachikiza, uze Mwangana wamunene wa Upahu, mbata evi vyakusolwesa, ufukuuno, kaha echa viholokele ha michima ya vathu. Kaha echa etu tumone uze Umwe Wakulifukununa, Uze umwe ejile hano hamavu na kupula lihina lya mu tembele; kaha jino ayile nakulovoka muze mulihina, ejile hanovene mu mahina authu cheka, ha Likumbi lya Pendekosita; apwa lika chochimwe, kwalumuka kufuma ku Upahu na kuya ku Upahu.

²²⁷ Kaha jino etu tuli vene nge kala chisemwa, kulinga, kukinduluka ku Mbuto ivene, kufuma mu chisemunuino chaliuka limwe na kuli kwavo. Kaha muli chino chisemunuino, muno tuli, kukinduluka ku Chuma chamwaka chize chaholokele ha Likumbi lya Pendekosita, kuzalisa kala Chisoneka, “Echi Kumunyika cha mulwola lwa chingoloshi,” kaha, “Eyi milimo eyi Ngwejikulinganga navakaya nakuyilinga nawa,” kaha vyuma vyavivulu vize Ove washikile mu Lizu Lyove.

²²⁸ Tata, kachi muno namupwa umwe uze kanda ahite eli lihina, mokomoko kachi muli umwe muno alifwanyisanga kupwa muthuumwe uze ayile nakuhita mulihina, hana likoji ufukuuno, Tata. Echa vakiko vamone chindume Mukakufungulula kwimana haze, wakuzala na likoji na ngolo, na kukonekela. Tuhanecho echi, Tata.

²²⁹ Kaha shimbu mitwe yetu yanongama, kunahase kupwa umwe muno? Vangahi, echa Nguhanjike, vase vanahase kuhanjika, “Ndumbu walunga Branham, Nguli nakuzundula livoko lyami. Ngulombeleko”? Twalilaho kunongama mutwe wove, kaha katula livoko lyove, “Ngwatondo kuhita kala lihina, palanga Ngunahase kumona uze Mukakufungulula.” Kalunga amikisule. Yami, ha mavoko! Helu muji kelulu, kuchilyo? Kalunga amikisule. Mujikelulu kunyima? Katula. . . Kalunga amikisule. Pwenu vakushishika. Kuchimoswe? Katula livoko, hanjika, “Ndumbu walunga Branham, Ngunahase pamo kupwanga Mukakulishitu myaka yayivulu, oloze, mukiko vene, Kanda lyehi ngwizenga nakuhita muli eli lihina. Kanda lyehi nguchilinge. Kangwechi na Chize vakiko vapwile nachoko.” Lelo, etu tukwechi. . . “Nguli nge mutondo wakatumba mumavu azuma.”

²³⁰ Mbata temo ize yinafumu mu mavu azuma, ilele nge kemba, ilame mundendeka, imwangile vitumbo, itukumwine. Oloze uze mutondo weji kukulilanga muze mupambo, temo yimwe yangachize, kusoloka nge; kawatambula chikuma meyako, oloze kweshi na tututu kuya kuliukiko. Uli wakufwakuluka. Uli vene wamwenemwene.

²³¹ Munahase kupezalisa Ukulishitu na Ukulishitu lelo, na omwo wapwilenga? Munahase kushinganyeka eli lizavu, eli tweji kusanyikanga kupwa Vakakulishitu lelo, mukaye kosena, kupwa nge vase vapwileko hanyima ya Pendekosita; nge kemba na ndendeka, kaha kufuma muliuka limwe

nakuya mulikwavo, kaha, kuhanjika chumachimwe chize kamwazangako, kuhinduka na kutambuka? Kaha, mamalelo, munahase kushingayeka echi? Nduma. Ukalu ulihalih? Chinapu kusemunuina.

²³² Michelangelo, uze atengele chiumba cha Mose, enu munahase kupwa na kusemunuina cha chize, chachashi. Oloze, chivene?

²³³ Uze umwe afujikile Kulya cha chingoloshi cha Mwata, Ngwashingtonyeka chize kufujika chivene kachi natondeka jimiliyone ya mandola, kachi enu munahase kulanda chize. Ngunahono numba kutachikiza okwo chatwama. Oloze enu munahase kulanda chakuchipa chize vafundulula kufuma hali chize pamo niyite eyite ya mandola na jingwee. Munahase.

²³⁴ Kaha ikiko jila kaha nalelo. Kupwa Mukakulishitu wa kuchipa, wakufwatula, kupwa kaha mukakulinunga na liuka, ove unahase kuvalanda na musanga wamakanya mokomoko—na mokomoko na wala kala. Mokomoko, na pwevo na kuteula mokomoko na mivumbo ya kukwita ulombo, ove unahase kumulanda ikiye na kala chuma chili muno mukaye. Oloze ove kaweshi kuhasa kukwata uze wamwenemwene.

²³⁵ Nguli nakumumona Ikiye mwosena, uze youmwe zau, lelo, na haya myaka.

²³⁶ Mamalelo, Mukakulishitu, kawazangile kupwa Mukakulishitu wamwenemwene? Kachi mwapwanga vamwe vaze vahananga kuzundula mavoko avo, munahase kuchilinga? Chamwaza, Nguli kaha nakuya nakulomba. Kalunga amikisule. Kalunga amikisule. Mamalelo, chize chili chakwoloka. Tala kaha hali chize.

²³⁷ Ove Setu wa Mwilu, “Lizu Lyove kalyeshi kahasa kukinduluka kuli Ove lyaupolongwa.” Ove wapwilenga uze Umwe atengele eji jishiko. Nguli kaha namulimo wa kujihanjika omwo Ove wahanjikile Echi. Nguli kaha nakuhilukilamo mu Mazu Ove. Ove wambile ngwove, “Wosena uze mwakevwa Lizu Lyami, na kufwelela hali Ikiye uze angutumine Yami, ali na Kuyoya cha Hayamyaka.” Ove washikile echi.

²³⁸ Kaha, Mwata, etu tunatachikiza etu tuli nakufwatula lelo, vavavulu vaze vahanjikile nge vafwelela, kumana, pimbi. Echi chinasoloka. Oloze Mwata, muli vamwe wamwenemwene, nawa.

²³⁹ Ngwalombo nge Ove uyenga nakuvahana, muno, ufukuuno, chize kala muthu na pwevo, kanyike walunga mokomoko kanyike wapwevo, chipwethuhu vakulifuchi muka, ulombo muka vakiko vali, liuka muka vakiko vapandamako, Ove Kalunga, vazalise. Echa vakiko vamone kusoloka chivene cha uze Yesu lelo, mukachi ketu, nge omu Ikiye apwile ha Likumbi lya Pendekosita, omwo Ikiye alisolwele Lyavene hali chino chisemunuino, kupwa Shipilitu Wajila. Tuhane echi, kumona Mazu kuzalishiwa, upolofweto kwiza nakihita!

²⁴⁰ Etu tuli nakupezalisa, lelo, ocho vavuluka kupwa liuka lya kaye kano, World Council of churches, na kupezalisa chize na lushiko lwa ha Pendekosita? Kakweshi kupezalisa, ko. Etu katweshi kumbata uvwalo wetu wamajilo wakukosa ha chuma kana.

²⁴¹ Oloze, Mwata Kalunga, kachi etu natuya nakukinduluka kukaze Kaselwoke, kuli kutomesewa, kahajino kutachikiza chetu na Lizu lya Kalunga nalitambukila hamwe. Kahajino, etu tunahase kukala luheto lwetu. Tuhane echi, Mwata, ufukuuno, omu Nguli nakukujika ava vathu mumavoko Ove. Hana kuli kala muthu chuma vanatondo, Tata. Etu twalombo mu Lijina lya Yesu. Amena.

²⁴² Kalunga amikisule. Ngwasakwilila, chikuma, hakwimana, nakuvandamina lwola lwalusuku. Kaha Ngukonekelenu Ngwamitulika palanga minyutu teni hanyima ya teni. Kalunga apwenga na enu palanga omu Nangukamimona nachimene. Nguli nakunungulula kutanga jino kuli, Ngwajinyi, kuli mukulwane wa chilika.



KALUNGA WAUNDUME KULI FUKUNUNA KULI ETU LVE64-0629
(The Mighty God Unveiled Before Us)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chimwe chingoloshi, Shika munene 29, 1964, hali va Full Gospel Business Men's Fellowship International convention ku Bellevue-Stratford Hotel mu Philadelphia, Pennsylvania, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org